

金史紀事本末

金史紀事本末卷三十

勅封資政大夫 特賞內閣中書前江西峽江訓導萍鄉李有棠編纂

世宗致治

世宗大定元年冬十月丙午慶雲見帝卽位於東京

攷異續通考云正隆六年六月丙午慶雲見世宗卽

位於遼陽又天德二年十二月乙卯慶雲見狀如鸞

鳳五彩後大定間慶雲環日者三八年七月己卯入

月辛亥二十三年十月己未又在遼陽時方寢有紅

光照室及黃龍見於寢上復有雲氣自西來黃龍見

其中是年卽位十四年八月次紉里亦日中白龍見

於御帳東俄乘雲上 諱雍本名烏祿原作烏魯攷異

升尾猶曳地北去 諱雍本名烏祿原作烏魯攷異

金國志名褒張棟正隆事迹名哀字彥 太祖孫陶王

小字忽辣馬一作呼喇美所載各異 太祖孫陶王

字原作窩 子也攷異汪輝祖金史同名錄云宗輔

里盟 子也二子長世宗次齊王吾里補與顯

金史紀事本末

卷三十

一

宗子驍國公琦同名琦又作吾里不卷八十一芮國
公傳李特本部節度姓夾谷氏卷八十二通遠節度
姓烏延氏卷一百二十徒單恭傳母貞懿皇后李氏
其子諫議大夫五人同名吾里補
政異大金國天輔七年癸卯歲生於上京體貌奇偉
志作禿丹氏
美鬚髯長過腹胸間有七子如北斗形政異大金國志云生雲中
夜有光明體重異常兒李心傳朝野雜記云舍人趙
溫叔使北還入見上問朕何如葛王對曰臣觀葛王
望之不似人君規模氣象不及陛下萬性仁孝沈靜
一中原不難復也臣敢再拜賀上大悅
明達善騎射推第一政異大金國志云嘗侍熙宗見
侍采常在兵間爲皇統間封葛王爲兵部尙書貞元
士卒推服紀未載
三年改東京留守徙王趙正隆例降曹國公六年居
母喪值契丹反起東京留守瓜里來犯擊卻之海陵

使副留守高存福伺起居將與推官李彥隆託為擊

毬謀不利別遣摩囉歡原作謀良虎圖淮北諸王會故吏

魯爾錦原作六斤攷異通鑑輯覽作埒爾錦自南來具言其事李石因

勸早圖之遂召官屬會議於座上執存福及彥隆攷

宏簡錄云石與彥隆託為擊時完顏福壽本傳哈斯

毬即於座上執存福與紀異罕人正隆

末從南侵由山東道至泰安既授甲乃誘將校北還

共立世宗進右監軍命討幹罕敗之召還授興平節

度卒攷異汪輝祖金史同錄云卷一百三桓端傳

貞祐三年都統姓溫廸罕氏卷一百六高琪傳泰和

六年將姓夾谷氏卷一百二十二唐邑主簿姓字尤

魯氏卷一百三十二執中傳至寧元年符寶郎姓徒

同名福壽高忠建盧萬家努完顏默音等各率兵來

附共殺存福等遂即位攷異苗耀神麓記作十月八

日事赦文畧曰朕惟前君乃

太祖長孫受文烈遺命嗣膺神器十有五年內撫外

宰相近安遠至雖晚年刑戮過甚而罪不及民亮位叨

甚是用列其無道昭示多方朕自僭竊以來昏虐滋

晦眾來赴總同辭敦請朕推誠固讓至於再三俯循

羣情勉登大寶臨御之始如履春冰宜推肆肯之恩

以布維新之令云云內十一月己卯阿蘇原作璋本

數十罪詞多不具載呼密原作胡麻愈世子殺中都留守薩勒札原作

魯王烏哲孫實圖美子只使厚嘉努家奴後等來賀淮分遣使者翦滅宗室

爽時為安武節度憂懼不知所出會世宗立宗室璋

推爽弟阿蘇行中都留守遣報爽爽棄妻子偕弟克

實東迎車駕至魚梁務入見世宗大悅除都指揮封

溫王判大宗正進榮王陪葬山陵阿蘇歷興平節度

濟南尹厚嘉努作實嘉努固雲傳是年十一月固雲

以軍至中都同知留守璋請至府議事固雲疑璋有

謀陽許諾排節仗若將往者遂騎從出施仁門駐兵

通州見世宗於三河按固雲唐古特語才能也舊作

設英今譯改卽古雲以如中都期詔羣臣諭中都轉運使左淵

曰凡宮殿張設毋得增置無役一夫以擾百姓但謹

圍禁嚴出入而已

攷異繫年要錄云金遣通事蕭恭持赦詔撫定州縣及中都權留守

拒不納恭立誅之大興尹李天吉懼而聽命自黃河以北皆下與紀異

十二月丁巳幸

中都詔軍士扈從者復三年同知河間尹高昌福上

書陳便宜覽之再三詔內外職官言事

昌福宛平人天會十年進

士歷工部尚書改彰德節度徙河中尹卒攷異方輿

紀要云大定初世宗自遼陽赴燕京次海濱縣尋至

榛子鎮鎮在灤州西九十里史未載地理志云是年

十月命都門外夾道重行植柳各百里續通考云是

年用吏部尚書張中彥言命陝西路參用宋舊鐵錢

四年廢不行詔陝西行戶部詳究其事言公私不便

遂罷之時將東巡費用百出自遼以東錢貨甚少計

同患不給欲輦運以資調度張亨謂上京距都四千

餘里說錢而行率三致一極勞民力不若行會法便
使行旅便於囊橐國家無轉輸之勞而用自足從之
紀均
未載

二年春正月戊辰朔日食帝徹樂減膳不視朝

攷異王寂

指軒集有萬春節口號詩云翠微黃繖望天顏警蹕
三清綏綏兩班瑞日瞳瞳明綵仗香雲靄靄擁蓬山已
聞賀使朝金闕仁看降王欸玉關君壽國安從此始
老人星見丙丁間按萬春節世宗生日此詩似作於
大定初也庚午帝謂宰相曰進賢退不肖宰臣職也有

才能高於己者或懼其分權不肯引置同列朕甚不

取卿等無以此為心

攷異續通考云大定二年詔隨
朝六品外官五品以上各舉廉

能官一員三年定制若察得所舉相同者即擬旌除
其聲跡穢濫所舉官降罰十九年時朝廷既取民所
舉者升遷之後民赴都舉請者多詔都統色克原作
斜哥
之章宗立以選舉十事諭尚書省

副統布喀

原作布輝哈斯罕人祖和卓靜江節度父額里頁真定安撫布輝嘗從追宋帝於明

州睿宗召至麾下以昭勇大將軍從海陵侵宋半道

亡歸遼拜哈斯罕節度終順天節度有傳攷異卷八

十尼龐古鈔兀傳

坐擅易中都官吏除名王申敕御

李堇布輝另一人

史臺檢察六部文移稽而不行行而失當者皆舉劾

之乙亥如大房山獻享山陵禮畢欲獵因左丞相

晏

本傳名鄂倫一作幹論景祖孫阿里罕次子明敏多謀畧歷都元帥廣平郡王加太尉卒官汪輝祖

金史同名錄云卷十六宣宗興定五年唐鄧元帥卷

八十二石壘部族節度姓烏孫氏卷九十三章宗子

壽王洪輝卷一百八侯摯傳貞祐三年同簽樞姓阿

勒根氏卷一百十三白撒傳天興二年都尉姓紇石

烈氏卷一百二十烏古論元忠傳其父卷一百三十

二李老僧傳海陵時小底八人同名訛論又幹論卷

二太祖中京都統卷六十三海陵母徒單氏傳幹林

待制卷六十六合住傳世宗時昭毅大將軍叛誅卷

七十六永元傳世宗時濬州防禦卷八十五永
德傳其子炎卷八十六大定尹七人同名幹論等諫

還宮因曰朕嘗慕古帝王虛心納諫卿等有言即言

毋緘默自便政異黃久約傳字彌大東平人第進士

趨出世宗止之自是諫臣不避以爲常時以太常卿

兼諫職歷橫海節度雋朗敢言爲文典瞻有外祖風

久約母劉氏右丞長言妹長言無傳元好問中州集

字宣叔父蹟官儀徵令工詩文有南榮集傳東州史

云外祖蓋指蹟也辛巳兵部尙書克實原作可喜太祖孫

兄名爽等謀反伏誅烏哲傳時中都留守璋與克實

副統布呼等因帝謁山陵作亂會於克實家說萬戶

高松不允乃與克實執鄂倫等上變克實誅拜璋彰
化節度使布呼濬州防禦使松崇義節度使璋後侵
陝有功擢左都監終臨洮尹帝念克實太祖孫祗數
人詔勿緣坐李惟忠即老僧松本名搏多析木人又
和卓傳時鄂倫與布呼親舊與謀議既知事不成乃

上變所載較詳一是日詔前工部尙書蘇保衡太子少保高

思廉等振賜山東百姓粟帛無妻者具姓名以聞

攷異

續通考云是年有司以用度不足奏預借河北東西
路中都租稅詔不允時 崞州游完因饑日賑三百餘
口冬給窮民衣服五百套春秋募人平治道路二百
五十里北至太和嶺南至忻口老猶以仁愛勵子孫
平陰王去非督妻孥耕織給伏臘教授束脩
分惠人弟子班忱貧女及笄代辦資粧嫁之 壬辰帝

謂宰執曰朕卽位未半年可行事甚多近日全無敷

奏朕深居九重賴卿等贊襄各思所長以聞朕豈有

倦又曰卿等當參民間利害及時事可否以時敷奏

不可自便優游 命河北山東陝西等路征南步軍

並放還家咸平濟州人三萬屯京師二月庚子詔前

戶部尙書梁球等安撫山東百姓招諭盜賊或避賊及徭役他徙者並令歸業諸罪並與原免 定軍煮

私鹽及盜官鹽法命猛安謀克巡捕

攷異續通考云金濱海多產鹽

上京東北二路食肇州鹽速頻路食海鹽臨潢北有大鹽濼烏古里石壘部有鹽池及得中土鹽場倍之故設法立官加詳焉大定初梁肅爲轉運移牒肇州北京廣寧鹽場許民以米易鹽公私皆利後曹望之請於大鹽濼設官榷鹽聽民以米貿易凡貯米二十餘萬石歲凶民賴以濟尋增置七鹽司後以擾民罷遼東北京鹽使司別設巡捕官禁不得於人家搜索食鹽一斗不得究治惟盜販私煮則捕之所載較詳

閏月甲戌帝謂宰臣曰比聞外議言奏事甚難朕於可行者未嘗不從自今敷奏勿有所隱朕固樂聞之又曰臣民上書者多勅尙書省詳閱而不卽具奏

天下將謂朕徒受其言而不行也其亟條具以聞

攷異

續通考云諸士庶陳言有可採行者依等第給賞上等銀絹各三十兩四中等二十兩四下等十兩四數

事從一支若大事應補官者從吏部格

三月乙巳免南京正隆丁夫

貸役錢以廉平戒諭官吏詔河南陝西山東良民被

誣為賊者釐正之夏四月乙亥詔減御膳及宮中

食物之半

攷異趙興祥傳時官左宣徽使上謂曰俸祿出於百姓不可妄費今尚食庖人猥多

徒糜廩祿

可約畧損減近臣獻琵琶上卻之謂興祥

日朕憂勞

天下未嘗以聲妓為心自今以後勿復有

獻宜悉諭朕意

有司奏南北邊未息恐財用未給乞

罷修神龍殿涼位

工役詔興祥傳旨罷之興祥盧龍

人思溫裔

五月壬寅立楚王允迪為皇太子

攷異宏簡錄云

紀未載

本諱胡士瓦賜名允迪卒諡宣孝章

宗立追諡顯宗光孝皇帝葬裕陵

秋七月丁酉

率賓軍士珠勒呼等誣完顏默音子色克寄書其父

謀反帝覽書辨其誣誅告者

攷異大懷貞傳字子正遼陽人大定二年官沼

州防禦使改沂州遷彰國安武軍節度縣尉獲盜得

一旗上圖元宿詰之有謀叛狀株連凡萬人懷貞誅

其首亂者十八人餘皆釋之終彰德節度紀未載

八月癸酉帝謂宰相曰

唐虞之聖猶務兼覽乃能治正隆專任獨見故取敗

亡朕早夜孜孜冀聞讜論卿等宜體朕意詔百官官

吏凡上書言事或爲有司所抑許進表以聞朕將親

覽以觀人材優劣謂御史臺曰卿等所劾惟諸局文

移稽緩及緩於赴局者此細事也自三公以下百僚

善惡邪正當審察之否則治罪 辛卯罷諸關征稅

攷異續通考云二年制院務叙虧及功酬格八月罷
諸關征稅祇令議察二十年定商稅法金銀百分取
一諸物百分取三明昌初勅尚書省定院務課商稅
額諸路使司院務千六百一十六處比舊減九十四
萬一千餘貫五年增置院務千二百三十三處初大定間
中都稅使司歲獲十六萬四千四百四十餘貫承安
元年歲獲二十一萬四千五百七十九貫所載較詳
冬十月丁酉第職官爲三等黜陟之十二月乙酉遣刑部侍郎劉仲淵等廉察

宣諭東京北京等路

攷異史志云是年閏月神龍殿十六位火延及泰和厚德殿或

謂係宮人稱心等放火見列傳按伊德傳作閏二月
癸巳世宗紀作閏二月辛卯各異續通考云是年十
月戊辰有大星如太白起室壁間沒於羽林軍尾跡
長丈餘汪輝祖金史同名錄云是年澤州刺史特末
哥伏誅卷八世宗紀大定二十四
年遙里特末哥官侍御史另一人

三年春二月甲子詔太子少保楊伯雄等廉問山西

路招諭陝西詔灤州飢民移於山西贍濟仍於道路

計日給食三月丙申遣官往捕中都以南八路蝗命

戶部侍郎魏子平

本傳字仲均宏州人歷戶部尚書出爲南京留守卒官平陽尹等

分詣諸路勸農及廉問官吏詔免去年諸路租稅夏

四月詔吏犯贓罪雖會赦不敘

攷異續通考云金制取吏員者有律科亦

日進士其法以律令內出題每五人取一大定中定

試令史格取無定數章宗立命吏并通治論孟按皇

統八年曾定右職省令史譯史格宣宗時馬慶祥以

尚書省譯史官鳳翔判官死節烏古論奴申以譯史

官行省郎中死節蒲察琦乙酉振山西路貧民給六
十日糧六月己卯觀稼於近郊詔正隆末濟州逃軍
爲中都邀殺者官爲收葬復詔中都平州及饑荒地

并經契丹剽掠有質賣妻子者官為收贖尋令流民

未復業者增限招誘攷異續通考云諸因災傷及盜劫去處良民被賣為奴者贖為

良分例照原賃錢給男婦一十五貫年幼減半又是月紀載以刑部尚書蘇保衡參知政事而保衡傳謂

由禮部拜小異秋八月庚午詔曰祖宗時有勞効未曾遷

賞者尚書省酌量升除論求仕官輒入權要門追一

官仍降除以請求有所饋獻及受之者具狀奏裁

戊寅詔罷契丹明安穆昆戶分隸女直攷異續通考云金制戶有

數等有物力者為課役戶無者為不課役戶女直為

本戶漢人及契丹為雜戶猛安之奴婢免為良者止

隸本部為正戶沒入官良人隸官籍監者為監戶沒入官奴婢隸太府監者為官戶奴婢戶遼人佞佛以良民賜諸寺分其稅一半輪官半輪寺為二稅戶戶以五家為保戶主推其長充凡戶口計帳三年一籍

金史已事本末卷三十一

凡漢人渤海人不得充猛安謀克戶後變為通檢又為推排凡戶隸州縣與隸猛安謀克者其輪納高下又不同其因戶之園宅牲畜樹藝及藏鏹多寡而徵者謂之物力貴賤均徵無能免者至大定初詔免二稅戶凡六百餘人又明昌時北京等路奏免二稅戶多為良矣舊額推排物力錢三百二萬二千七百十八貫九百二十二文至承安三年計十三路共錢二百五十八萬六千七百二貫四百九十九文蓋以九月丙貧乏除免六十三萬八千一百一十一貫也

午詔翰林待制劉仲誨等廉問車駕所經州縣十

一月癸丑罷貢金線緞疋

四年春正月戊子罷路府州元日及萬春節貢獻

大金國志云正月詔造總計錄知二月免安州地理

有餘不足之數革去吏姦紀未載世宗紀載壬寅至宋為順安軍治高陽金今年賦役安州大獵詔扈從隸河北東路徙治葛縣

人舍民家者人日免北京今年課甲以粟價踴貴故

復免北京歲課緞疋一年夏五月旱癸卯勅有司

審冤獄禁宮中音樂放毬場役夫禱雨於北郊未幾

雨秋八月壬申帝謂宰臣曰卿每奏皆常事凡治

國安民及朝廷不便於民者未嘗及也如此則宰相

之任誰不能之又曰形勢之家親識訴訟請屬道達

官吏屈法徇情宜一切禁止攷異時征南節度趙誠

皆不肖淫蕩破貲產賣田宅詔曰自今官民祖先亡

沒子孫不得分割居第止以嫡幼主之母致鬻賣仍

著爲令是歲大有年斷死罪十有七人攷異忠義

紀未載江志叛曹珪子弼在賊中珪謀誅志并其子弼殺之

詔再進一階續通考云是年十月命泰寧節度張宏

金史紀事本末卷三十九

信等二十四人分檢諸路物力嗣宏信在山東專以
多傳物力為功督責苛急棟州防禦宗室永元面責
其非惟梁肅通檢東平大名平允詔他路以為準後
十五年復命肅等二十六人二十二年命完顏烏里
也等二十六年命李晏等
均分路推排所載甚詳

五年春正月辛未命有司旱蝗水溢之處免租稅

政異

大金國志云賜高年孝弟力田人

二月壬寅罷納粟

補官令

攷異續通考云皇統三年三月陝西旱饑始
詔富民入粟補官大定初以兵興歲歉令民

進納補官又募能濟饑民者視其人數多寡為補官

格十月省臣奏正隆中進錢粟者亦授官從之五年

二月以邊鄙甯息罷之明昌二年勅山東河南北關

食之地納粟補官有差承安二年復令入粟補官貞

祐二年從胥鼎言令丁憂人許應舉求仕監戶許從

良入粟有差三年二月勅司縣官有能勸率出粟以

多寡遷官皆注見闕天興元年八月京城人楊冬十
興入貲授延州刺史劉仲溫入貲授許州刺史

一月丙午帝謂宰臣曰朕在位日淺未能徧識臣下

賢否全賴卿等盡公舉薦今六品以下殊乏人材何

以副朕求賢之意是歲聽人射買寶山縣銀冶

異攷

續通考云九年御史臺以河南府和買金銀冶抑配
百姓奏罷之十二年詔金銀坑冶聽民開採毋收稅
二十七年聽民於農隙採銀承納官課時定襄退吏
誣縣民匿銅者十八村節度張大節廉得其實抵吏
罪民立石頌之又部中銀冶衆議官樵大節曰山澤
之利當與民共貧而無業者雖嚴刑能禁其竊取乎
宜明諭民授地輸課從之明昌二年計見在金千二
百餘錠銀五十五萬二千餘錠三年御史李炳言有
司奏在官銅數可支十年請勿令夫匠逾天山北界
採銅恐生邊釁從之用提刑言封諸處銀冶禁民採
鍊五年臺臣奏復召募射買泰和時李復亨言汝州
魯山保豐鄧州南皆產鐵募工置冶可獲利從之貞
祐中宗室從坦奏平陸產銀鐵若以鹽易
米募工煉冶可以資財從之所載甚詳

六年春正月庚午勅宮中張設母以塗金爲飾夏

四月甲戌朔詔月朔禁屠宰尋詔每月朔望及上七

日無奏刑名五月戊申幸華嚴寺觀故遼諸帝銅

像詔主僧謹視之

攷異析津志云大聖安寺在舊城

新堂成改額大聖安殆金元以來名刹也釋智樸盤

山志云普濟寺一名甘泉寺昔爲毒龍湫徙山後之

蔣福山號三潭金釋圓照有甘泉寺通和尚塔序畧

日師諱行通俗姓張氏雲中人天會間聞辨公倡法

燕都叅示仰山大定四年退居三河白塔次年擬上

盤山道經甘泉衆請師住未幾怡然而化塔在寺正

北高阜日下舊聞考云薊州西有盤山舊名四正山

亦曰盤龍山一名田盤山魏田疇隱此故名姬翼雲

山集謂古有田盤先生自齊來此因名二說未知孰

是山有感化寺有遼乾通七年碑漁陽南忭撰文沙

門肅回書碑稱魏大和十九年無終縣民田氏營建

唐太和咸通間道宗常實二師繼踵住持幽州主帥

清河張公奏請於朝因得賜額寺有金圓新和尚率
堵坡記大定中沙門法詮撰按感化寺舊名寶入寺
明成化中易額廣濟又金上方感化寺故監寺澄方
遺行碑銘大安七年釋志隆立石惟遼無乾通年號
疑誤又瑞雲菴始建歲月無考金大安中重修西有
鞠陽洞歸雲洞白巖寺唐貞觀中建遼天顯十一年
復建金大定中重修均見盤山志又香水寺唐建有
頭陀大師靈塔實行碑金正隆六年中都寶塔寺沙
門知心撰善進書文曰師諱行及海東新羅常興人
覽茲香水溝然挂錫創石頭菴山精自竄拓靈源脈
巖虎他之於廣明元年仲夏無疾而終門人惠超等
塑以真像塔而藏之其後塔菴盡圮恒淨等視之不
忍重修巨塔表焉寺在盤山西南二十餘里金國文
具錄秘書省今在燕宏法寺析津志云宏法寺在舊
城大定十八年潞州崔進女法珍印經一藏進於朝
命聖安寺設壇為法珍受戒為比丘尼二十三年賜
紫衣宏教大師明昌四年立碑石秘書丞兼翰林修
撰趙鳳記翰林侍講學士黨懷英篆額蓋此剎元時
尚存至明始廢姑錄
於此以存金石之遺
壬子詔雲中大同縣及警巡院

給復一年

免雜役驗通考云金制凡敘使品官之家並免雜役

補官未至蔭子孫及凡有出身者出職帶官敘當身

者雜班敘使五品以下及正品承蔭已帶散官未及

職者子孫與其同居兄弟下逮終場舉人係籍學士

醫學生皆免一身之役三代同居已旌門則免差發

三年後免雜役此壬戌諭將幸銀山諸扈從軍士賜

錢五萬貫有損苗稼者並償之冬十月甲申詔免雄

莫等州今年租

以其地為資霖等州十月免諸雜色

隸役為白戶十一月詔從征陣亡者蠲其租稅十二

月以京畿兩猛安民戶不自耕墾及供桑棗為薪命

大興少尹完顏讓巡察紀均未載方輿紀要云是年

世宗至望雲將如金蓮川不果至十二年始至金蓮

川納涼後數至焉在雲州堡東北百里川產黃花望

若芙蕖因名梁襄傳字公贊絳州人大定三年進士

歷薛王府掾世宗將幸金蓮川襄疏諫上曰襄言可

取故罷其行然襄謂隋煬帝以巡遊敗國不亦過乎

如湯帝者蓋由失道虐民自取滅亡雖不巡幸國將安保爲人上者但盡君道雖或巡幸庸何傷乎襄因以直聲聞終保大節度學問該博練習典故

七年夏五月丙午大興府獄空詔賜錢三百貫以宴

勞之六月癸酉命地衣用龍文者罷之秋七月戊申

禁服用金線其織賣者皆抵罪

攷異續通考云閒官入品以上及士人僧

尼有師號者許服花紗綾羅絲紬詔百官從人祇許服黑紫命省臣奏事衣窄紫又吏員有書袋之製公服常服皆懸於束帶上違者所司糾之以別於士民也九月詔修起居注王

天祺察訪所經過州縣官冬十月乙未朔詔所幸郡

邑曾宴寢堂宇勿避勅有司於東宮涼樓前增建殿

位孟浩諫而止令吏部察縣令賢否黜陟之丁巳帝

謂宰臣曰海陵不辨人才優劣惟徇己欲多所升擢朕以此爲戒祇用實才自今鷹坊各局分不得授以臨民職任

攷異續通考云時蠡州同知移刺延壽在官汚濫帝詢其出身乃正隆時鷹坊子始

下此勅紀未載

八年春正月乙丑帝謂宰臣曰朕治天下方與卿等共之事有不可各當面陳慎勿阿順取容偷安自便又曰朕思得賢士寤寐不忘自今朝臣出外卽令體訪廉能及草萊可助治者以聞又曰卿等舉用人材凡己所知識必使他人舉奏朕甚不喜如賢何必計親疎也又曰海陵修起居注不任直臣故所書多不

實可訪求得實詳錄之孟浩曰良史直筆君舉必書
古帝王不自觀史意正在此帝謂侍臣曰唐虞未有
華飾漢文務爲純儉朕興修宮室均損宮人歲費充
之今亦不復營建矣如宴飲惟太子生日及歲元近
亦止上元中秋未嘗至醉至佛法尤不信梁武爲同
泰寺奴遂道宗以民戶賜寺觀加三公官其惑深矣
論敬嗣暉曰凡爲人臣上欲要君之恩下欲干民之
譽必虧忠節卿宜戒之本傳字唐臣易州人天眷二
年第進士海陵侵宋留南京
與張浩同治尙書省
事卒官參知政事謂李石曰臺憲固在分別邪正
然內外百司豈謂無人惟見卿等劾罪不聞舉善今

宜刺舉善惡分別以聞 秋九月辛酉令自今差役

凡稱御前者皆須稟奏仍附冊 冬十月己丑朔詔

戒諭官吏貪墨令圖畫功臣於太祖廟 攷異大金國志云七月以

水滂遣使巡撫流亡令恤冤獄久者罰績通考云是

年二月甲子北望淀雨電廣十里長六十里十一年

六月戊申西南招討司苾里海水之地雨電三十餘

里小者如雞卵其一最大廣三尺長丈餘四五日始

消哀宗正大二年四月京畿大雨電五年

四月鄭州大雨電桑柘皆枯餘不勝書

九年春正月庚午詔諸州和糴無得抑配百姓二月

庚寅制妄言邊關兵馬者徒二年 丙申詔改葬漢

二燕王於城東 攷異鄼道元水經注云燕王陵有伏

剌窮泉掘得此道王府所禁莫有尋者通城西北大

陵而是二墳基址盤固猶自高壯竟不知何王陵史

列傳初兩燕王墓舊在中都城外海陵廣京城圍墓
在東城內前嘗有盜發其墓大定九年詔改葬於城
外俗傳六國時燕王及太子丹之葬及啟墳其東墓
之柩題其端曰燕靈王舊舊古柩字通用乃西漢高
祖子劉建葬也其西墓蓋燕康王劉嘉葬也庚子
蔡珪作兩燕王墓辨據葬制名物欸刻甚詳

以中都等路水免稅曹單二州水尤甚復一年

攷異大金

國志云二月命侍郎完顏孛烈思往遼東一帶
詢訪官吏治狀按舉黜陟問民疾苦紀末載

三月

辛巳以大名路艱食遣使減糶夏四月癸巳遣使諸

路勸農六月久旱命宮中毋用扇未幾雨秋七月

乙卯朔罷東北路採珠冬十月辛丑詔宗廟之祭以

鹿代牛著爲令十二月丙子詔振臨潢秦州山東東

路河北東路諸民饑是歲帝謂宰臣曰亡遼日屠

食羊三百豈能盡用徒傷生耳朕每食常念民饑猶在己也彼身為惡而口祈福何益之有朕與大臣論議非正不行卿等不以正對非臣道也謂宰臣曰諸臣初仕競求聲譽爵位既顯即徇默苟容為自安計朕甚不取其宣諭之

十年春正月甲子命宮中元宵毋得張燈

攷異大金國志云是

月詔以去年臨洮府路蘭秦河會州旱大饑命所司存恤紀未載

二月甲午安化

節度使圖克子溫副使老君努以贓罪誅冬十月

甲寅獵於霸州

宋史地理志本幽州永清縣地後置益津關攷異輿地廣記云漢屬渤海

郡後漢屬廣陽國河間郡晉入遼周復之置霸州今為永清郡縣二文安大成詳卷三十九

聞固

安令高昌裔不職罷之司候成奉先率職謹恪除固

安令

攷異續通考云大定中盧庸爲定平令修築舊堰引涇水溉田民獲其利大金國志云時燕羣

臣於同樂園之瑤池語及帝王成敗以不嗜殺爲本數年休息民力其蘇獨貪殘吏恐爲百姓蠹宜時加稽察以革其弊李詰烈稽首日陛下言及此社稷之福也紀未載按元好問中州集載師拓同樂園詩云晴日明華構繁陰蕩綠波蓬邱滄海近春色上林多流水時雖逝遷鶯暖自歌可憐歡樂地鉦鼓散雲和劉祁歸潛志作尹無忌詩又趙秉文詩云春歸空苑不成妍柳影毵毵水底天過却清明游客少晚風吹動釣魚船

見澄水集

帝謂侍臣曰護衛以後皆是治民之官

其令教以詩書謂宗敘

本傳原名德壽棟摩第四子官參政

曰卿昨爲

河南統軍時言黃河堤埽利害甚合朕意朕每念百姓差調官吏互爲姦弊不早計料臨期星火率斂所

費倍蓰爲害非細卿當革弊擇利爲之

攷異河渠志云是年議決

蓋溝以通漕運計當役千里內民夫上命免被災之地以百官從人助役未幾以山東歲饑罷之十一年十二月省臣奏復開之自金口疏導至京城北入濠而東至通州之北入潞水計工可八十日及渠成以地高水峻不能勝舟上與宰臣語及之平章元忠日請求識河道者按視其地竟不能行而罷紀未載

謂石琚曰女直人徑居達要不知閭閻疾苦汝等自丞簿至是民間何事不知凡有利害當悉敷陳諭宰臣曰朕論事有未究利害者宜悉心論列毋爲面從退有後言又曰比體中不佳有妨朝事今觀所奏事皆依條格殊無一利國之事若一朝行一事歲計有餘則其利博矣朕居深宮豈能悉知外事卿等尤當

注意

十一年春正月壬午詔職官年七十以上致仕者給

半俸命振南京屯田明安被水災者詔宰執以下官

生日受饋獻者罷官謂宰臣曰往歲清暑山西近路

禾稼甚廣殆無畜牧之地因命五里外乃得耕墾今

聞民皆去之他所甚可矜憫其命依舊耕種夏六

月己酉詔罷同州沙苑歲貢羊諭自今勞民之事具

以聞攷異史稱會寧府歲貢秦王魚又貢猪二萬遼陽府土產白兔師姑布鼠毫白鼠皮人參白附

子按秦王二字即鯁鯨之誤秋八月癸卯朔詔朝臣直言國家

利便治體遺闕毋隱勅舉劾職官勤惰命宰臣舉五

品以下官 冬十月甲寅帝謂宰臣曰朕已行之事卿等務爲承順不復執奏自今朕旨雖出而有未便者卽奏改之汝尙書省亦當容受直言勿拒十一月戊寅幸東宮謂太子曰吾兒在儲貳之位朕當措天下無復有經營之事但無忘祖宗純厚之風以勤修道德爲孝明信賞罰爲治而已如遼海濱王以國人愛其子嫉而殺之此何理也昔唐太宗屬高宗繼伐高麗此等事朕不遺汝又謂爾於李勣無恩今出之爾後以爲僕射必致死力君人者焉用僞爲朕御臣下惟以誠實耳

攷異續通考云是歲尙書省奏天下倉廩粟二千七十九萬餘石上曰

朕聞國無九年之蓄則國非其國故括天下之田以均賦歲取九百萬石自經費七百萬石外二百萬石又爲水旱所蠲免及賑貸之用餘纔百萬石而已以廣儲蓄備饑饉也小民以爲稅重小臣沾民譽亦多議之皆不慮國家緩急之備

十二年春正月戊寅詔有司凡陳言文字皆國政利害自今言有可行封送秘書監當行者錄副付所司諭諸王長史曰朕選汝等勸導諸王爲善否當力諫不從則具某日行某事以聞阿意者罪 丙申以水旱免中都等路去年租稅 尙書省奏廉察到清強官令速議升除詔自今官長不法其僚佐不糾正及不舉發者皆坐之 戶部尙書高德基濫支朝官俸錢

四十萬貫杖八十

本傳字元履渤海人第進士爲合史海陵剛愎自用每與詳辨至是

降蘭州刺史子錫

詔尙書省贓污官已被廉問者卽罷之

夏五月甲戌命振山東東路饑

戊寅禁百官及承

應人不得服純黃油衣禁扈從蹂踐民田令詢問亡

失民間物償其直詔給西北路人戶牛

攷異續通考云金制有牛

頭稅卽牛具稅猛安謀克部女直戶所輸之稅也其制每來牛三頭爲一具限民日二十五受田四十頃四畝有奇歲輸粟約一石官民占田無過四十具天會三年以歲稔官無儲積無以備饑饉詔令一牛賦粟一石四年詔內地諸路每牛一具賦粟五斗爲定制大定時每牛一頭令各輸三斗後又限民日二十五算牛一具隨年輸納被災者蠲之貸者俟來年徵還

冬十一月甲戌詔宗室

中有不任職者授以散官量與廩祿丙子曹國公主

家奴犯事宛平令劉彥弼杖之以主折辱令深責之
臺臣不言者奪俸一月戊子帝屏侍臣與宰臣議事
記注官亦退帝曰史官記人君善惡朕之言動及與
卿等所議皆當與知其於記錄母或有隱可以朕意
諭之十二月辛亥禁審錄官以宴飲廢公務詔金銀
坑冶聽民開採母得收稅攷異續通考云是年三月
庚寅雨土十六年三月戊
申雨豆於臨潢之境形銳而赤味頗苦二十三年三
月乙酉氛埃雨土大金國志云是年雨河大饑死亡
枕藉令所在開倉賑恤冀莫澤潞等州盜起令僕射
忠義等討之屠及無辜而強壯逃免竟不能制五行
志云宛平張孝善有子曰合得大定十二年三月旦
以疾死至暮復活云是良鄉人王建子喜兒而喜兒
前三年已死建驗以家事能具道之尚書省奏此蓋
假尸還魂擬付建爲子上曰若是則姦倖小人競生

詐偽蹟亂人倫止
付孝善紀均未載

十三年春正月癸酉詔免南客車俊者誤犯邊界罪

令有司嚴禁州縣坊里爲民害者詔東宮官屬有行

檢不修及不稱職者具以名聞三月乙卯太子詹事

劉仲誨請增東宮牧人及張設不許本傳字子惠宰相嘗子官太子

少師御史中丞爲東宮官十五夏四月己巳特授

沼州與地廣記云春秋爲赤狄國漢置廣平國魏置

肥鄉平恩孝子劉政太子掌飲丞政異續通考云政

雞澤曲周忽能視後母有疾割股肉啖之愈詔旌其廬金初

有溫迪罕幹魯西北路猛安人年十五居父喪廬墓

母疾割股療之愈詔授護衛陳顏汲縣人父光爲奴

誣告賊殺人繫獄拷訊自誣服顏請代父死守白帥

併釋之天會間詔旌其門明昌三年有司奏文登王震孝行賜同進士出身注教授又益都王樞博學善書事親至孝賜同進士出身附王澤榜同時棣州劉瑜母喪質子給葬事詔賜束帛終其身相州溫石幼孤奉母以天年終穿土起坎廬墓側垂老祭祀親滌器武陟劉全值金末喪亂父源母崔爲寇掠父卒母被鬻乞食得金贖母還侍養三十餘年河東薛繼元事母孝所在化之孟興早喪父事母孝謹事兄亦如之賜束帛國五月戊戌禁女直人母得譯爲漢姓史均有傳

攷異國語解所載完顏曰王女奚烈曰郎之類皆大定明昌間所譯也見錢大昕潛研堂集

秋七月庚子復以會寧府爲上京帝謂宰臣曰會寧國家興王地自海陵遷都永安女直人寢忘舊風朕初嘗見女直風俗迄今不忘今之燕飲音樂皆習漢風蓋以備禮也非朕心所好東宮不知女直風俗第以朕

故猶或存之恐異時一變此風非長久之計甚欲一
至會甯使子孫得見舊俗庶幾習效之尋御睿思殿
命歌者歌女直詞顧謂太子諸王曰朕思先朝所行
事未嘗暫忘故時聽此詞亦欲令汝輩知之汝輩自
幼惟習漢人風俗不知女直純實至文字語言或不
通曉是忘本也自今當體朕意

攷異趙翼劄記云是年八月金始以策論

試女直進士於憫忠寺寺有雙塔進士入院之夜半
聞東塔有音樂聲西入宮試官侍御史完顏蒲捏李
晏等曰文路初開而有此兆得賢之徵也中選者圖
克坦鎧等二十七人後多爲顯官見選舉志此寺在
京師宣武門外卽法源寺最宏敞遼聞宋眞宗計曾
於此建道場又興宗十一年遇景宗宣獻后忌辰帝
與皇太后素服飯僧於此宋王會記契丹事云燕京
有憫忠寺本唐太宗爲征遼陣亡將士造宋使至遼

遺館仲導以游觀曹勛北狩見聞錄宋徽宗至燕館
於大延壽寺欽宗館於憫忠寺金胡沙虎反召完顏
綱至囚於憫忠寺明日殺之後謝枋得至燕寓憫忠
寺見壁間曹娥碑泣曰小女子猶爾吾豈不汝若哉
遂不食死此皆憫忠寺故事並錄之陸游南唐書元
宗嗣位遣公乘銛使契丹至幽州館於愍忠寺先迎
御容入宮言元欲識唐皇帝面乃引見如舊儀趙子
砥燕雲錄云淵聖至自雲中駐蹕憫忠寺岳珂程史
云徽祖上賓洪皓嘗於憫忠寺肆筵以奠張養浩歸
田類藁云天會五年迎旂檀瑞像至燕奉安憫忠寺
見瑞像來儀記陸游老學菴筆記云肅王與沈元用
使北館憫忠寺見唐碑皆偶儷凡二千餘言元用素
強記歸取筆書之闕十四字肅王輒補之無遺者又
改謬誤四五處元用駭服此又憫忠寺故事劄記所
闕補錄之劉侗帝京景物畧云憫忠寺中一碑下半
斷裂可讀者其上段字有觀音地宮舍利函記遼大
安十年沙門善製朱彝尊曰大安十年歲次甲戌閏
完未嘗斷裂末曰大安十年歲次甲戌閏四月辛未
朔二十二日王辰申時功德主燕京管內左右街都
僧錄崇祿大夫檢校太師行鴻臚卿聰辨大師賜紫

金史紀事本末

卷三十

三

沙門善製門人義中書此外累朝遺碣如唐靈芝書寶塔頌景福元年采師倫書重藏舍利記遼王進思寺尼薦福尊勝陀羅尼幢記及金大定間禮部令史題名記黨懷英撰諸碑皆足資考證惟景物畧所稱明陳贊公鼎二碑詞蕪不足錄

十四年春二月戊寅詔免去年被水旱百姓租稅勅

禁明安穆昆民毋故會飲命衛士習女直語仍自後

不得漢語夏四月乙丑禁民間妄建佛寺 冬十月

乙卯朔詔圖畫功臣二十人於衍慶宮聖武殿左右

廡攷異趙翼劄記云金史實傳所載凡二十一人

王宗望梁王宗弼金源郡王薩哈遼王宗幹秦王宗翰宋

尼楚赫完顏忠薩爾罕楚王宗雄魯王棟摩隋國公

鄂蘭哈瑪爾豫國公普嘉努充國公劉彥宗特進烏

楊古齊國公韓企先并特進實實皆功臣最著者也

阿里布傳又載代國公罕都金源郡王實圖美徐國
公琿楚鄭國公們圖琿濮國公實古訥濟國公芬微
韓國公錫默阿里左監軍巴爾斯魯國公富察實嘉
努光祿大夫蒙克隋國公和尼特進托克索齊國公
博勒和儀同三司烏雅富勒琿阿里布鎮國上將軍
烏凌阿托雲太師勛太傅大興尹持嘉暉金吾
衛上將軍瑪武驃騎衛上將軍韓常譚國公阿里布
共二十二入此又多景祖世祖開國時立功最著者
也大定十五年又圖志寧良弼泰和帝謂大臣曰海
元年續圖石琚此一朝策勳典故也陵崇尙吏事宰執祇以案牘爲功卿等當思經濟之
術不可狃於故常也謂太子諸王曰行莫大於孝弟
孝弟自蒙天祐汝等各思自盡勿因妻妾離間以至
相違謂尙食局使曰大官之食皆民脂膏日者品味
太多徒爲糜費自今祇進可口者數品而已

十五年春正月

攷異史原文注云此下闕世宗當極盛之世半年餘豈無一事可紀今自

本紀外既無附見傳志之事而偏考諸書無可引證

或史臣疏漏抑偶有殘闕歟今仍闕疑王寂拙軒集

有渡遼詩云我家河朔望咸平飛鳥猶須半月程盡

道遼陽天梯遠渡遼何況更東行又渡遼舟中小酌

詩云佳會清歌取次成逸篇高詠極暉嶸掀髯已判

玉山倒蘸甲不辭金枕傾落日襯雲魚尾赤斜風捲

水穀紋生豫愁江上分飛後千里關河月共明寂於

大定十五年奉命往白雲治獄二十九年提點遼東

路刑獄此二詩閏九月己酉朔帝謂良弼曰今在官

未知作於何時

者須職任稱愜所望始加勉否則因循豈爲忠臣之

道又曰秉德等在武靈時皆有能名然不務遠圖祇

以苛刻爲事卒賣直取死得爲能乎

十六年春正月甲寅詔免去年被水旱路分租稅夏

四月丙戌詔京府設學養士及定宗室宰相子程式

等第制商賈舟車不得用馬秋九月己酉詔西邊所

在和耀爲緩急備詔海陵時臣下被戮者官爲收葬

冬十一月甲子以鈕祜祿罕努前使西遼被害錄用

其子致異績通考云熙宗天眷中門蔭之制凡一品至八品皆不限所蔭之人大定二年二月前遣

遼陽主簿石抹移迭都監移刺葛補招奚契丹叛人

爲志甯白彥敬所害詔錄其子四年五月詔皇家祖

免以上親就蔭者依格引試中選者勿令當倖使五

年十月制亡宋官當蔭子孫者並同亡遼官用蔭又

更定冒蔭及取十二月丙子詔諸流移人老病者官

與養濟致異績通考云十七年五月省奏咸平府路一千五百餘戶自陳皆長白山星顯禪春河

女直人遼時簽爲獵戶移居於此號移典部遂附契

丹籍國初首詣軍降仍居本部今乞整正詔從之

十七年春正月壬戌詔海陵時大臣無辜被戮家屬

籍沒者並釋爲良遼豫王宋天水郡王被害子孫各

葬舊塋 三月辛亥詔免河北十路去年被旱蝗租

稅振東京博索哈斯罕三路饑

攷異大金國志云四月主與太子諸王東

苑賞牡丹晉王允猷賦詩和者十五人時兀朮子偉

侍側言曰國家起自漠北皆以勇力戰爭今多用遼

宋遺臣富貴文字壞我風俗宋主有志報復骸骨不

受調役夏亦侵邊不知三邊有急使詩人去當得否

主默然知內侍省事余萬福扶

出自是文武如冰炭矣紀未載

六月己卯謂宰臣

曰朕年老矣恐因一時喜怒處置有所不當卿等卽

當執奏毋爲面從成朕之失秋八月庚辰謂宰臣曰

今在官者同僚所見事雖合理亦以爲非意謂從之

則恐政非己出朕甚惡之壬午謂宰臣曰今在下僚
豈無人材但在上者不爲汲引惡其材勝己故耳丙
戌謂臺臣曰臺臣糾察吏治能否務去其擾民且冀
其得賢也今所至皆受訟謀聽其妄告使爲政者如
何則可冬十月辛巳謂宰臣曰今在位不聞薦賢何
也昔狄仁傑起自下僚力扶唐祚使旣危而安延數
百年之永仁傑雖賢非夔師德何以自薦乎又曰朕
年已老宜及康強時其政令之未完法令之未一者
皆修舉之朕不爲怠

攷異續通考云是年上謂宰臣曰遼東賦稅舊六萬餘石通檢

後幾二十萬六萬時何以仲給二十萬後所積幾何
戶部契勘謂先以官吏數少故能給今官吏兵卒及

孤老數多以此費大上曰當察其實毋令妄費紀未載

十八年春正月庚申免中都河北等路前年被災租稅閏五月辛丑命振西南西北兩招討司民及烏庫哩實壘部轉戶饑帝謂宰執曰縣令之職最爲親民當得賢材用之邇來犯法者衆殊不聞有能者比在春水見石城玉田兩縣令皆年老苟祿而已平章石琚曰良鄉令焦旭慶都令李伯達皆能吏可任帝命擢用之復曰朕巡幸所至必令體訪官吏臧否向玉田知主簿舒穆魯杳能吏也可授本縣令冬十一月庚申朔尙書省奏擬宗室額爾克原作阿可爲刺史帝

日郡守係千里休戚安可不擇人而私其親耶不許
攻異大金國志云正月學士張酢吳與權等請修明
軍政爲自立計從之九月夏將蒲魯合野攻麟州印
郡首祿東賀叛應之城陷夏遂擄金帛子女數萬毀
城而去續通考云是年代州立監鑄錢命震威節度
李天吉知保德軍高季孫往監之所鑄不可用削二
人官仍杖季孫八十命工部郎中張大節吏部員外
郎麻珪代文曰太定通寶字文肉好勝正隆時世傳
其錢料微用銀云十九年始鑄新錢至萬六千餘貫
二十年名代州監曰阜通設監正副各一以節度州
同知兼領尋以參政粘葛幹特刺爲提控二十七年
別設曲陽監名利用設監副監丞經營銅事二十八
年京府節度州增流泉監凡二十一所章宗立五臺
民劉完上訴命丁用楫往審還言阜通利用二監歲
鑄錢十四萬餘貫費至八十萬餘貫病民而多費詔
并諸流泉務均罷之

十九年春二月乙卯免去年被水旱民田租稅夏四

月己丑朔詔振西南路饑 帝謂宰臣曰姦臣欲有

規求往往私其黨與託以他事陽不與而陰爲之力

朕觀古之姦邪當建儲之際惟勸擇立昏懦冀他日

可弄權爲姦利也又曰朕觀前賢將諫與父母妻子

訣示以必死同列目覩其死不顧身又爲之諫此盡

忠於國者人所難能也又曰人多奉釋老意欲徼福

朕初頗惑之旋悟其非且上天立君使之治民若盤

樂怠忽欲以僥倖難矣果能愛養下民天必祐之

續通考云天會元年上京慶元寺獻佛骨却之時帝

瑞像佛牙入內殿供養五年移旃檀瑞像於憫忠寺

皇統二年於上京宮側造大儲慶寺普度僧尼百萬

大赦天下六年賜清惠佛智護國太師號金襴大衣

所用珍異其欽敬古未有帝后親奉撫足禮受大定
元年燕京建大慶壽寺勅皇子降香賜錢及田二年
除迎賽神佛禁令六年東京建清安禪寺般瑟于此
會時真儀皇后出家建重慶寺二十年建仰山棲隱
禪寺二十四年大長公主建昊天寺給田度僧二十
六年幸香山寺賜名大永安賜田及錢九月次朔州
屢幸仙洞香林淨名上方中盤天香
感化諸寺章宗以後更難具載矣
六月戊子朔
詔更定制條
攷異伊喇慥傳本名伊德爾契丹人十
九年官大理卿典領更定制條初皇統
間參酌隋唐遼宋律令以爲皇統制條海陵率意更
改吏緣爲姦慥詳定凡千一百九十餘條爲十二卷書
奏頒行尋同修國史
卒官臨洮尹紀未載
秋七月辛未有司奏擬趙王

子實古納人從帝曰兒輩尙幼若奉承大過使侈心

滋大卒難節抑此不可長諸兒每入侍朕必泣之以

嚴庶知朕教戒之意

攷異大金國志云正月晉王允升所使出

嗜酒好獵膽勇能用兵每勸南侵混一天下主不聽
至是殺允猷事覺奔和龍至會同調兵主遣明威將軍
劉宇至合戰兵敗被殺并誅其妻子八十餘人諡
允猷為元悼太子二十一年立昇王允恭為太子世宗
子七長太子允升次昇王允恭晉王允猷四五闕名
次鄭王永蹈次衛王允濟今以史考之世宗子十顯
宗母弟趙王越王早卒未賜名此外無名允猷者若
夔王允升歷事四朝年齒最高至宣宗朝尙存初無
立為太子謀叛見殺之事不足信見錢大昕潛研堂
集又允升本名斜不傳在卷八十五至食貨志所載
秦和七年河北按察使另一人

二十年春正月丁丑以玉田縣行宮地偏林為御林

大淀濼為長春淀攷異郭造卿碣石叢談作長春濼有長春宮殿日芳明二十四年如

長春宮春水二十六年二十七兩至世宗廂後主如春水改都南行宮為建春改遂城行宮為光春而長春不書矣按玉田縣在薊州城東八十里古無終子國漢臧荼置無終縣隋為漁陽郡治唐更名玉田

屬薊州宋改
經州金復舊

三月乙丑詔免中都等路去年租稅

尋罷西北路進馬馳鷹鵠等

致異續通考云是月詔諸稻粟非邊要地當儲

外聽民折納時參政梁肅奏曰方今斗米三百人已

困餓錢難得故也計天下歲入二千萬貫歲用餘千

萬院務場坊及百姓合納錢者通減數百萬院務場

坊可折納穀帛折支官兵俸給使錢帛布散民間易

得上曰懸欠院務許折納可也是月以戶尙曹望之

言詔減邸延及河東路稅五十二萬餘石增河北西

路稅入萬八千夏四月乙巳帝謂宰臣曰女直官多

石紀均未載謂朕食用大儉朕年高不欲屠宰物命貴爲天子克

自節約亦不惡也服御或舊常使澣濯破始更易帳

幕但令足用何用華飾復曰山後地皆親王公主勢

家所占轉租於民由卿等之不察當盡心勤事毋令

家所占轉租於民由卿等之不察當盡心勤事毋令

家所占轉租於民由卿等之不察當盡心勤事毋令

家所占轉租於民由卿等之不察當盡心勤事毋令

朕煩勞也又曰朕觀資治通鑑編次歷代廢興甚有鑒戒用心如此古之良史也又曰郡守選人資考雖未及廉能者則升用之以勵其餘又曰岐國用人一言合意便升用之否卽責罰凡人言辭得失賢者不免自古用人咸試以事奏對間安能知人朕惟眾所與者用之不以獨見爲是也

攷異大金國志云是年亡遼遺族羣牧使耶律幹罕聚兵十萬自號後遼皇帝結北地諸部爲援主遣宣徽使紇石烈撒合輦爲元帥將兵八千擊擒之封金源郡王按幹罕叛亂係正隆末年事志紀海陵未載幹罕之叛而載於是歲係誤

二十一年春正月壬子帝聞山東大名等路明安穆昆之民驕縱奢侈不事耕稼盡令漢人蒔種詔遣閑

實戶數計口給地必令自耕地有餘而力不贍者方

許招佃仍禁農時飲酒尋復令閱實勤惰及收穫多

寡定責罰 丙子次永清縣賜孝子錢五百貫 二

月乙巳以元妃李氏喪致祭興德宮諭宰臣勿禁市

肆音樂 攷異續通考云是年二月元妃李氏薨詔允

從臣僚奉慰於芳明殿辛卯留守平章唐括 三月

安禮及曹王允功等上表奉慰所載較詳 丁未朔聞薊平灤等州民乏食發粟貸之乙丑詔山

後官地冒占十頃以上者皆籍入官均給貧民 攷異續通

考云是月陳言者謂豪强多占奪田土者上曰前參

政納合椿年占地八百頃又山西田亦多爲權要占

以致小民無田可耕徙居陰山惡地何以自存故有

是詔省臣又奏椿年猛安三合故太師思忠孫長壽

金史已事本末卷三十一

等親屬七十餘家占地三千餘頃上曰至秋除牛頭地外各給十頃餘拘入官山後招討司所括者亦同此明年命招復梁山灤流民官給以田所載甚詳

閏月帝謂宰臣曰古人

君多用讒詔蒙蔽爲害漢明帝尙爲此輩所惑朕於

近習讒言未嘗入耳至宰輔亦不偏用一人私議也

復曰朕言行豈能無過常欲人直諫而無肯言者使

其言果善朕從而行之何難也攷異續通考云是年論省臣曰黃河已移

故道梁山灤水退甚廣已安置屯田民昔嘗恣意種

之今官已籍其地而民懼徵其租逃者甚衆可免徵

并赦罪賑以官粟金制屯田戶佃官地者有司移猛

安謀克督之收國五年二月遣昱及宗雄分諸路猛

天會九年宗敘請募貧民戍邊屯田給廩粟使貧者

無艱食之患富家免更代之苦得專農業上善之四

月詔新徙戍邊戶乏耕牛者給官牛別委官勸督其

續遷戍戶未至者姑止卽其地種藝使畢穫而行及來春農至戍所

二十二年春三月丁丑詔今歲行幸山後所須並不

得取之民間雖人夫亦官給值違者杖八十攷異續通考云

車駕巡幸顧工馬夫日給三百文步夫二百三十文

圍鵝夫隨程幹辦人各二百文傳遞果子夫百五十

文若以私家作行宮者量給緞匹太廟神厨祠祭勾

當人少府監隨色工匠部役官受給官司更錢粟二

貫石春秋秋七月辛巳宰臣奏事因帝違豫請退

絹各一匹

帝曰豈以違爽於和而倦臨朝之大政耶使終其奏

冬十二月辛酉立強取諸部羊馬法

二十三年春二月庚戌御史臺進所察州縣官罪止

錄其惡而不舉善詔并察以聞三月丙戌詔戒論中

外百官秋八月乙未以女直字孝經千部分賜護衛

親軍九月己巳命頒行所譯五經諸子及新唐書

攷

續通考繫之二十四年稍異

冬閏十一月甲午帝謂宰臣曰帝王

之政固以寬慈然梁武帝專務寬慈致綱紀大壞朕

嘗思之賞罰不濫卽寬慈也復曰燕人自古忠直者

鮮其俗詭隨有自來矣雖屢經遷變而未嘗殘破者

此也南人勁挺敢言直諫者多前有一人見殺後復

繼之甚可尙也

攷異管子云燕之水萃下而弱沈滯而難故其民愚慥而好貞輕疾而好

走易死吳子云燕性慥其民慎好勇義寡詐謀故陳

守而不走史記貨殖傳云燕地踔遠人民希與趙代

俗相類禮書云燕人少思慮多輕薄地使之然也輕

死急人俗使之然也漢書地理志云燕俗愚悍少慮

輕薄無威亦有所長敢於急人燕丹遺風也杜樊川
集幽并之地程其水土與河南等處重十一二其人
沈鷺多材力重許可能辛苦東坡集燕俗勁勇而沈
靜樂史太平寰宇記燕其地躁急燕之爲言燕也其
氣內盛祝穆方輿勝覽民務農桑士習詩書無強暴
相凌之風有寡求不爭之習郝經陵川集燕沔歷遼
金幾四百年然而不漸宣政仇靡之化豪勁任俠渾
厚敦雅有唐遺風遼志云南京水甘土厚人多技藝
秀者學讀書次則習騎射耐勞苦元劉靜修過易臺
詩云萬里河山有燕趙百年風氣自遼金易臺今順
天府屬地所載互異又曰昨夕苦暑朕通宵不寐因
因世宗語及並錄之念小民比屋卑隘何以安處又曰女直進士可依漢
進士補省令史夫儒者操行清潔非禮不行以吏出
身者習爲貪墨至爲官習性難改政道廢興實由於
此攷異續通考云正月廣樂園燈山焚延及熙春殿
見五行志紀未載熙春殿記載八月大名府猛安

人馬和尙謀叛伏誅卷二太祖天輔七年將卷五海陵貞元二年臨潢府總管卷一百三桓端傳貞祐三年都統四人同名馬和尙又天輔時有奚馬和尙

二十四年春三月壬寅如上京命太子允恭守國趙王永中輔之帝謂宰臣曰卿輩皆故老宜悉心輔導顧六部官曰朕聞省部文字多以小疵駁之致累歲不能結朕甚惡之自今宜戒夏五月己丑至上京居光興宮戊戌宴於皇武殿謂宗戚曰朕思故鄉積有年矣今既至可同歡飲宗戚皆霑醉起舞竟日乃罷六月辛酉幸按春水臨猗亭壬戌閱馬於綠野淀謂宰臣曰天子巡狩當舉善罰惡凡士民之孝弟嫻睦

者舉用之其不顧廉恥無行之人則教戒之不悛卽

加懲罰秋八月乙亥詔免上京今年市稅

攷異續通考云是年

閏十一月制外任官嘗爲宰執者凡吏贖上省部依

親王例免書名明年十月以宰臣年老艱於久立者

命置小榻廊下使少休息承安三年四月諭宰相遇

雨可循廊廡出入與定三年四月以天暑詔宰相四

日一奏事

紀多未載

二十五年春正月丁亥宴妃嬪親王公主從官宗室

男婦與坐者千七百餘人賞賚有差 二月癸酉以

東平尹烏庫哩色喀

原作思列攷異伊喇道傳世宗時河南統軍使思列當卽此人

又完顏思列見卷七世宗紀大定十七年忠順節度副使卷八十六烏延蒲離黑傳祖烏延思列均另一

人怨望殺之 丁丑宴宗室宗婦於皇武殿賜官階

銀絹有差宗室婦女及羣臣故老以次起舞進酒帝
自歌本曲道王業之艱難及繼述之不易至慨想祖
宗宛然如睹慷慨悲咽不能成聲於是諸夫人皆歌
本曲如私家之會旣醉帝復續詞至一鼓乃罷詔曲
赦會甯府免今年租稅百姓年七十以上者補一官
復謂羣臣曰上京風物朕自樂之每奏還都輒用感
愴祖宗舊邦不忍捨去萬歲之後當置朕於太祖側
卿等勿忘己卯發上京宗戚奉辭帝曰朕久思故鄉
甚欲留一二歲京師天下根本不能久於此也太平
歲久國無征徭汝等皆奢縱以致貧乏朕甚憐之務

當儉約毋忘祖先艱難因泣數行下眾皆感愴而退

改異是年夏四月涿州重修文宣廟有黃久約碑記
云范陽舊有夫子廟在城東南唐貞元五年盧龍節
度劉公所建遼統和中始移置於此年積綿遠將傾
圯前爲守者非無意於更新徙以州治當南北之衝
四方行旅取道往來十率八九使客冠蓋旁午晨夕
疲於應接又案牘簿書視他州爲繁日不暇給故視
爲餘事大定二十三年冬汾陽郭侯豫自尙書郎出
殿是邦下車之初以令從事伏謁祠下旣而周覽庭
宇憫其敝陋愀然變容退而嘆曰爲政之先獨不在
於斯乎矧聖天子在上闡彌文緝墜典凡所以尊禮
先儒誘進多士纖微畢舉發於誠心而州近在畿甸
之內迺不能助宣風化况疏遠者哉於是命工繪圖
亟議改築計所當費約用錢二十餘萬卽日移文計
司久乃得報減三分之二止得其一旣不足於用方
爲主倉庫官毅然以身任其責造黃堂而請曰倣先
里人也上世以儒學取功名享爵位小子不肖亦幸
賴先人餘蔭入官秩登五品述所由來非治心行己

仰遵先師遺訓何以臻此今廟在鄉里廢毀如是貽
使君憂心實恥之願因斯時會里中一二大姓及子
弟之業儒者各出私財以佐國用度侯聞其言而義
之師爲割月俸并諸贖錢盡付之授之以成須厥效
於後起二十五年夏四月二十日癸丑詔五月八日
庚寅總爲屋二十有八楹制度大小廣狹悉因其舊
榱棟之腐撓者撤而易之垣墻之頽靡者築而起之
階祀之缺罅者鑿而完之蒔蕪荒翳塗艘漫漶中奠
廟室旁列東西兩序以達於大門庖廩齋舍各有次
第皆備無缺工募於民厚與之直役夫則用胥靡之
徒其飲食皆不戒而勸舊圖六十二從祀弟子及前
代名儒之像於殿陛十哲塑像之後則改繪於兩廡
諸費除官給外獨用錢四十餘萬皆出於衆人之樂
輸非有以畏迫勉強而然者落成之日公私改觀父
老稱贊咸謂不有刊勒何以視久遠侯乃遣人走京
師遺書故人須昌黃久約爲記而系之以銘銘曰卓
哉素王百世之師出逢周衰大道蔽虧立言著行是
訓是彝有國有家政行令施祇率軌範永作表儀生
爲至人沒有嚴祠衮舄煌煌巍然而離春秋奠薦著
令攸司范陽遺宮有年於茲日毀月壤風雨弗支郭

侯下車經之營之去故取新付託疇咨允毅梁君造
請以辭願幹葺事惟公之爲市財傭工費鉅不貲弗
足於公競捐其私屹然崇成曾靡愆期學者用勸祀
事以時之德之功去益見思後來之人當敬勿墮按
涿州又有漢昭烈廟碑記王庭筠撰云仁者未必成
功成者未必仁仁者之心以仁仁天下不仁者之
心以仁濟其私故善論人者論其心之何如而成敗
不與以仁濟其私者發於其言見於其事亦仁也蓋
竊仁以欺天下夫竊仁者是有大不仁根著於心然
竊仁易窮也而根著於心者卒不可掩天下之人莫
不腹詈噫唾雖一時成功旋與草木同腐矣仁者之
心不以其身其家而以天下故天下之人亦相與謳
歌戴仰願以爲君雖生無成功天下之人莫不歎息
至後世猶喜稱道精爽在天能推其仁心用之不已
施之不竭呼吸而雲雨咄嗟而風霆咫尺萬里朝夕
千載此政之自然無足怪者先主仁人也當陽之役
不以身而以民永安之命不以家而以賢雖不能如
其言要之其心如是而已有厚天下之心必饗天下
之報至今天下之人猶歎息其無成而稱道之涿之
人又祠而奉之宜哉涿先主之故家也廟距州西南

十里而遠庭有石乃刺史婁君延重修記唐乾寧四年也則血食於此舊矣歲久屋老纔庇風雨今年夏四月里民始議增葺於是富者以資巧者以藝少者走以服其勞老者坐以董其功稍完治中堂新作門屏又作兩廡配祀元臣諸葛孔明關雲長法孝直在東麗土元張翼德簡憲和在西既成具興廢歲月乞文於庭筠將以刻諸石庭筠曰五季兵火之餘室廬焚蕩殆盡而廟貌巋然獨存悍夫暴客過堂下歛兵肅跡不敢犯則其仁之入于民深矣大哉仁乎蘊於心充於天地被於萬物蓋有不與死而俱亡者幽而爲神其遺澤殘烈施及天下後世以達其生平未厭之之心必矣豈獨私乎一鄉哉祠而奉之者特其鄉人之恃耳庭筠既書其事復作歌遺之使迎送神佐其鼓舞以樂之其辭曰舜禹不可作兮古猷日潰盜取盜守兮恬不怪仁人起兮力斲其廢志天下兮豈獨爲漢計大統未一兮時以逝奄爲神明兮陟配上帝何紓我憂兮仁及異世彼曹丕兮死爲妖孽握長鉞兮載芟載剷燕山之陞兮范水之裔平疇如砥兮惟神之豐沛鬱幢幢兮羽葆蓋悵籬樹兮今安在記先時之舊事兮想亦爲之一愴神之去來兮蒼虬翠駟

祭華裾兮鑾鳴玉珮絕瑟而吹簫兮紛羣音之繁會
牲肥酒香兮神其飫醉未雲席布兮回風滿旆將而
送兮百拜民不忘兮遺愛驅螟兮疫癘時雨賜兮
屢歲俾富康兮耆艾民德神兮事事無替見朱彝尊
吉金貞石志蔣一葵長安客話云先主故宅在涿州
西南十五里樓桑村建於唐乾寧四年今承安初重
修黃華老人有記載涿州志卽指此涿州境東南有
盧植墓俗呼南臺植涿人先主嘗從受學者也元好
問中州集載王寂詩南臺故址今頽然漢盧植墓疑
相傳又寂有先主廟詩云當年竹馬戲兒曹笑指樓
桑五丈高故國神遊得
無恨壞坵風雨夜蕭騷
夏六月庚申太子允恭卒

遣使致祭秋九月甲申次遼水召見百二十歲老人

能道太祖開創事嘉嘆賜食及帛己酉還宮奠宣孝

太子於熙春園

攷異畢沅續通鑑云太子常侍宴常武殿典食進粥有蜘蛛在盃中典食

懼太子日蜘蛛吐絲乘空適墮此中耳豈汝罪哉在東宮十五年恩德浹人者深軍民巷哭元好問中州

集載賜右相石琚詩云黃閣今姚宋青宮舊綺園
絺歸里社冠蓋畫都門善訓懷師席深仁寄壽尊
所期河潤溥餘福被元元風箏詩次高駢韻云心與寥
寥太古通手隨輕籟入天風山長水濶無尋處聲在
亂雲空壁中此詩山陽民家所上者積通考云世宗
第二子章宗父追諡顯宗孝皇帝后徒單氏諡孝懿
昭聖

二十六年春三月己丑詔尙書省曰卿等未嘗薦士
祇限資格安能用人古有布衣入相者聞宋亦多用
流寓之人皆不拘貴近也以本朝境土之大豈無其
人朕難徧知卿又不舉自古豈有終身爲相者外官
三品以上必有可用之人但無由得進耳又曰皇孫
原王府官屬當選純謹秉性忠直者充勿用有權術

之人 癸巳香山寺成幸其寺賜名大永安給田二

千畝粟七千株錢二萬貫攷異世宗紀載是年四月

未載匡構傳大定中詔構與近臣經營香禁扁諸書

山行宮及佛舍疑卽指此見日下舊聞考五月戊

子盧溝決於上陽村漂流成河遂因之攷異河渠志

於上陽村先是決顯通塞詔發中都三百里內民夫

塞之至是復決朝廷恐枉費工物令勿治二十年

詔盧溝河使旅往來津要令建石橋未行世宗崩章

宗立命造舟復令建石橋明昌三年三月成賜名廣

利并建東西廊令人居之許亢宗奉使行程錄云盧

溝河水極湍激每候水淺河置小橋以渡近年兩岸

造浮梁建龍祠彷彿如黎陽三山高士奇扈從西巡

日錄云盧溝橋跨桑乾河俗呼渾河亦曰小黃河橋

建自明昌初范成大石湖集載盧溝詩云草草輿梁

枕水低勿勿小駐濯漣漪河邊服匿多生口長記輶

車放雁時又九月過盧溝水調歌頭詞萬里漢家使

雙竹心清秋舊京行遍中夜呼渡濟黃流寥落桑榆

公已巳事二天 卷三一

西北無限太行紫翠相伴過盧溝歲晚客多病風露
貂裘對重九須爛醉莫牽愁黃花爲我一笑不管
鬢霜羞袖裏天書咫尺眼底關河百二歌罷此生浮
惟有平安信隨雁到南州趙秉文滏水集詩云河分
橋柱如瓜蔓路入都門似犬牙落令免諸路水旱租
日盧溝溝上柳送人幾度出京華
稅四十九萬餘石詔凡陳言文字詣登聞檢院送學
士院聞奏勿經省廷冬十月戊寅定職官犯賊同僚
相糾察法甲午詔增河防軍數尋命諸軍以時訓練
十二月甲申因黃久約言罷遞送荔支
攷異續通考云八月
乙亥朔日月五星會於軫先是四年正月戊子熒惑
歲星同居氏十七年九月庚戌歲星熒惑太白聚於
房二十二
年十二月癸未熒惑太白皆居
氏申二十四年十月壬申太白辰星同度
二十七年乙酉帝謂宰執曰朕於言事狂妄者未嘗

罪之卿等不盡言何也今事有利害可竭誠言之朕見緘默不言之人不欲觀之矣又曰十室之人必有忠信今地廣民衆豈得無人唐顏真卿段秀實皆節義臣終不升用亦大臣蔽而不舉也卿等當不私親故而特舉忠正朕將用之又曰朕觀唐史惟魏徵善諫所言皆國家大事甚得諫臣之體近時臺諫止摘細微未嘗及國家大利害豈知而不言歟母乃亦不知也 丁亥命沿河京府州縣長貳官並帶管勾河防事免中都河北等路被河決水災軍民租稅詔河水泛溢農夫被災者免差稅一年衛懷孟鄭四州塞

河勞役并免今年差稅 三月乙卯尙書省言孟家

山金口閘下視都城百四十餘尺恐暴水爲害請閉

之從之

攷異金口閘在石景山迤東元都水少監郭守敬請於金口西預開減水口西南大河

以防水患

命罪人在禁有疾聽親屬入視

攷異元

而利漕運

州集威陽蕭貢字真卿大定中進士歷右司郎中預

修律令條畫當上心興陵嘉歎日漢有蕭相國我有

蕭貢刑獄吾不憂矣又奏死囚獄已其仍責家人伏

辨以申冤抑從之遷刑部侍郎入謝日臣願因是官

廣陛下好生之德上大悅凡所平反皆允之終戶部

尚書諡文簡本傳未載其恤刑事所著有史記注百

卷

夏五月壬子詔罷海蘭路所進海葱及太府監

日進時果

冬十二月戊子禁女直人改稱漢姓學

南人衣裘犯者抵罪

二十八年春三月丁酉朔宴羣臣於神龍殿諸王公
主以次上壽帝歡甚以本國音自度曲蓋言臨御久
春秋高思國家基緒之重萬世無窮之託以戒皇太
孫當修身養德善於持守及命左丞相克寧盡忠輔
導之意實四月癸未命建女直太學制諸教授必以
宿德高才者充 冬十一月庚子詔南京大名府等
處避水逃移不能復業者官與津濟錢仍量畝給以
耕牛 十二月乙亥帝不豫詔皇太孫攝政明年正
月癸巳崩於福安殿壽六十七葬興陵

攷異續通考云二十九

正月己卯巳初日有暈左右有珥白虹貫之亘天東有戰氣長四尺餘丁巳巳初日有兩珥上有背氣雨

重復於日上爲冠二月甲子辰刻日上有重暈兩珥
拖而復背凡數次乙丑日暈兩珥有負氣承氣而白
虹亘天左有載氣又正月丁酉土星留氏中三十
七日逆行後七十九日乃出氏六月丙辰月犯太白
月北星南同在柳宿十一月己未熒惑守軒轅至戊
辰退行其色稍怒又自卽位以來太白晝見及經天
并五星侵史稱自南北講和與民休息羣臣守職上
犯不勝書史稱自南北講和與民休息羣臣守職上
下相安家給人足倉廩有餘刑部斷死罪歲或十七
人號稱小堯舜然求賢之急求言之切不絕於口而
羣臣不能將順其美以底大順惜哉

金史紀事本末卷三十一

馳封資政大夫特賞內閣中書前江西峽江訓導萍鄉李有棠編纂

大定初宋人和戰

世宗大定元年卽宋紹興三十一年也冬十二月庚

申以元帥左監軍高忠建等爲報諭宋國使

攷異宋史繫於

次年二月今從史交聘表副使爲德昌節度

丙寅詔

張景仁語以罷兵歸還正隆所侵地紀未載

攷異宋史

左副元帥完顏古雲規指南邊及陝西等路事

紀事本末云十二月成閔李顯忠收復兩淮州郡時張浚被召過池陽聞金敗兵二萬猶屯和州浚往犒顯忠軍卽趨建康先謀通判劉子昂備行宮儀物請帝臨幸帝從之

二年春正月辛巳遣左副點檢富察阿布哈

原作蒲察阿孛

等賞賚河南軍士甲午命河北山東陝西等路征

南軍士並放還家攻異績綱目云正月山東人耿京起兵復東平遣辛棄疾入朝京尋

為張安國所殺棄疾還謀誅安國授江淮判官宋史

高宗紀棄疾外尚有賈瑞云是月金攻壽春府宋忠

義將劉泰戰死金人引去棄疾字幼安歷城人李寶

將王世隆執安國以獻按棄疾初在耿京軍中僧端

義竊印以逃幸追獲之端義曰我識君相乃青兗也

力能殺人幸勿殺我辛斬其首歸報京史未載壽春

戰事二月丙辰嵩州刺史舒穆魯珠德勒

宋兵於壽安縣屬河南府攻異富察鄂倫傳上京人

嵩州刺史舒穆魯圖喇等求救於鄂倫遣呼沙呼

將兵助之大敗宋師於鐵索口復其城所載各異

已鄭州防禦使富察世傑取陝州甲子詔都元帥瑣

都奔賭開府山東經略邊事

是月帝還臨安御史吳

帶請留蹕建康不聽命虞允文爲川陝宣諭使至蜀
與吳玠經略中原王宣敗金人於汝州再戰敗還汲
請破之於確山吳拱復永安軍王剛敗之於海州杜
彥救淮甯敗金人於項城大金國志云金破淮甯府
宋守臣陳亨祖戰死畢沅續通鑑云亨祖母及其家
五十餘人皆死統領戴規巷戰死繫年要錄云金圍
城亨祖登陴中流矢死城陷家屬遇害與規均贈官
紀皆未載王存元豐九域志云淮甯府爲陳州淮陽
郡鎮安軍治宛邱縣在東京三月癸卯左都監圖克
二百四十五里縣四詳卷九
坦喀齊喀敗宋師於德順州四月金遣豆斤太師發
兵二十餘萬復攻海州魏勝乞援於李寶寶以聞命
鎮江都統張子蓋救之與勝合大敗金人於石湫堰
溺死者半圍遂解豆斤舊作五斤續綱目作烏錦通
鑑輯覽作烏珍南宋書云是役統制張玘戰死世宗
紀均夏五月丁巳押軍萬戶費摩阿拉滿按刺等敗
未載
宋兵於華州司時李顯忠陰結金都統蕭琦爲內應
放異績綱目云是月以議和罷三招討

請出師自宿毫趨汴以通關陝而鄜延一路素知顯忠威名必皆響應且欲起其舊部以取河東會詔罷兵乃

六月宋遣使來賀即位

翰林學士洪邁副使

鎮東節度張掄邁為皓季子字景盧時官起居舍人

掄知閤門事表所書皆假官續綱目云金高忠建至

臨安議遣使報聘且賀即位工部侍郎張闡請嚴遣

使之命正敵國之禮不從則戰庶中國之威可振遂

遣邁往邁奏接伴禮儀十四事俄忠建責稱臣并新

復州郡陳康伯以義折之乃止遂行至燕閤門見書

不如式令改陪臣二字必用舊儀邁執不可乃鎖使館

三日水漿不通邁語不遜欲留之張浩不可乃遣還

所載較詳惟作閏二月出使宋史繫之四月各異闡

字大猷永嘉人潘永因宋稗類抄云景盧奉使父皓

嘗薦之及為金困辱歸太學諸生作詞曰洪邁被拘

留垂哀告彼酋七日忍飢猶不耐堪羞蘇武曾經十

九秋厥父既無謀厥子安能解國憂萬里歸來誇舌

辨村牛好擺頭時不擺頭蓋洪好搖頭也羅大經鶴

林玉露云景盧往報聘入境與其接伴約用敵國禮

伴許諾故沿途表章皆用在京舊式未幾盡却回使

依近例易之不可乃局驛門絕供饋者一日館伴復
來言嘗從忠宣學勸勿固執景廬等懼易表章授之
供饋乃如禮時為之語曰一日之飢禁不得蘇武當
時十九秋傳語天朝洪奉使好掉頭時不掉頭所載
不同當從續綱目

秋七月丙午宋高宗傳位孝宗嗣

為正史均未載
立政異宋史載在六月南宋書作五月交聘表世宗
命宣撫兩淮勸堅志以圖恢復欲遣舟師由海道采
擣瓜洲浚不可遂有隙凡所規畫多沮之浩字直翁
石瓜洲人追復岳飛官以禮改葬官其孫六人趙
鄭縣人是月追復岳飛官以禮改葬官其孫六人趙
秦王德芳裔父秀安僖王子偶第進士官嘉興丞母
祥符張氏生時紅光滿室如日正午以歲在協洽屬
羊字曰羊潛說友咸淳臨安志云時高宗將倦勤即
禮舊第築新宮名德壽六月乙亥丙出御札曰朕宅
帝位三十有六載荷天之靈兢兢焉懼不克任憂勤萬
歲益振祖宗傳序之重兢兢焉懼不克任憂勤萬
歲弗遑暇逸思欲釋去重負以介壽臧蔽自朕心亟

民大計皇太子賢聖仁孝聞於天下明知世故久係
丙子行內禪禮畢移仗居焉岳王墓在棲霞嶺下嶺
在錢塘門外顯明院北舊多桃花開時爛然如霞因
名周淙乾道臨安志云紹興三十三年六月四日旨
以德壽宮爲名十一日上皇退處是宮今上卽位宮
在望仙橋東門外有百官待漏院袁氏楓窗小牘云
高廟在建康有大赤鸚鵡自江北來集行在承塵上
口呼萬歲鼓翅下有小金牌刻宣和二字比上膳鸚
鵡大呼卜尙樂起方響久之曰卜娘子不敬萬歲蓋
道君時掌樂宮人以方響引樂者故猶以舊格相呼
帝爲罷膳泣下後持至臨安死帝親爲文祭之潘永
因宋稗類鈔云高宗宮中養鸚鵡數百因思歸送赴
隴山後數年使臣過鸚鵡問曰上皇安否曰崩矣皆
悲鳴賦詩云隴口深山草木黃行人到此斷肝腸耳
邊不忍聽鸚鵡猶在枝頭說上皇又云孝宗復岳官
爵收召子孫給還田資原入止九千緡卒時係請具
浴拉脇李隗順負屍出葬北山之滑有一玉環殉樹
雙橋於上棺上一班職賞上告屍色如生更歛禮服
後官訪其瘞以一班職賞上告屍色如生更歛禮服

武穆有滿江紅詞曰怒髮衝冠
望眼仰天長嘯壯懷激烈三十
路雲和月莫等閑白了少年頭
雪臣子恨何時滅駕長車踏破
仇恨肉笑談渴飲英雄血待從
關死後金使王陶問何罪館伴
忠臣善用兵者止一飛所謂有
令館伴勿奏尋貶之其贈鄂王
口不出辭聞者流涕蘭相如身
名之典雖行議禮之言未一如
穆之稱獲覩中興之舊章灼知
身奉上之實仍采載定禍亂之
惠共孔明之志與漢室子儀之
或殊在秉心而弗異垂之典冊
及子孫將與河山而並久據此
齊東野語云洪邁追復制詞曰
辰告師行有律幾不犯於秋毫
建儲並實錄也繫年要錄云先
畧四川爲南師所敗檄至冬方
幹軍無暇以檄致宋至冬方奉
命且云敗於

四川尤係傳聞之誤見畢沅續通鑑

九月壬子以完顏思敬爲右副

元帥經畧南邊癸亥河南統軍使宗尹

阿里罕孫官平章代國公

復汝州時宋取汝州宗尹使富珠哩

原作李尤魯

定方

本名

阿哈寧嘉河人

將兵四千往攻之汝州東南北三面皆山林

險阻不可以騎軍戰宋兵時由鵲路出沒定方至襄

城

縣名屬汝州

牒知聲言諸軍至俄定方趨鵲路宋人果

棄城遁追至布袴义擊敗之遂復其城

攷異瓜爾佳清臣傳時宋

兵二萬襲陷汝州殺刺史烏克遜滿丕及漢軍二千宗尹遣定方與清臣領騎兵四千往擊之宋人棄城

遁復其城稍異

冬十一月以布薩忠義爲右丞相將兵侵宋

赫舍哩志寧爲左副元帥副之

攷異南宋書作朴忠義高志寧續綱目云

金主以宋不稱臣詔忠義總戎事居南京節制諸軍
志寧駐兵淮陽將行諭曰宋若歸侵疆貢禮如故則
罷兵忠義至汴簡閱士卒分屯要害所載較詳潘永
因宋裨類鈔云壽皇銳意親征大閱禁旅郭杲爲殿
嚴廬陵劉改之過賦一詞與郭曰玉帶猩袍遙望翠
華馬去似龍擁千官鱗集貂蟬爭出貌貅不斷萬騎
雲從細柳營開團花袍窄人指汾陽郭令公山西將
算韜幹有種五世元戎旌旗蔽滿寒空魚陣整從容
虎帳中想刀明似雪縱橫安稍箭飛如雨霹靂鳴弓
威撼邊城氣吞漠北慘澹塵沙歎落日中興事看君
王神武駕馭英雄郭餉劉數十萬錢潛說友咸淳臨
安志云是歲知臨安府趙子瀟加兵部侍郎金使來
議和子瀟言交兵後事情叵測宜待以軍禮一以示
武二以從儉三以自備及孝宗立有恢復志常慮兵
衛不武子瀟練本府兵習爲鵝鵲魚鱗陣上觀於便
殿嘉獎賜金帶宗寧傳本名阿多古景祖裔阿里罕
孫初從海陵南侵戰瓜洲渡功最大定二年擢歸德
節度使天德軍爲行軍都統賀宋正旦使終平章事
按交聘表祇有宗室崇寧於十一年以
西南招討充正旦使未知是一人否

三年春正月王子遣客省使烏居仁賞勞河南軍士

二月壬申詔撫諭陝西夏四月取商虢環州宋所侵

一十六州皆復攷異宋史紀事本末云金志寧以書求海泗唐鄧商州地及歲幣先是金

兵十萬屯河南聲言規取兩淮張浚請屯盱眙賂濠泗

以備之至是以書抵浚欲依皇統舊約否則會兵相

見且遣蒲察徒穆大周仁屯虹縣蕭琦屯靈壁續綱

目蒲察徒穆作富察都木大周仁作達周仁薛應旂

通鑑云帝銳意恢復浚乞幸建康浩不可浚請出師

渡淮三省密院不預聞遂遣顯忠屯靈壁邵宏淵趨

虹縣浩乞罷王十朋劾其懷姦誤國八罪出知紹興

府十朋字龜齡樂清人謚忠文南宋書環州之破守
臣強霓及弟震死五月丙申宋人攻破靈壁州屬宿虹
之世宗紀均未載
縣屬鳳陽府
辛丑以忠義兼都元帥還軍河南統軍使奚
托卜嘉一作捷不也攷異汪輝祖金史同名錄云卷
九章宗紀明昌元年西上閣門使卷七十宗

亨傳本名宗室寧州刺史卷八十一伯德特魯補傳

父京兆尹卷八十二蕭仲恭傳祖遼樞密使五人同

名達不也又作撻不野宋史叛入於宋宋人攻破宿

作蕭察徒穆大周仁及蕭琦宋屬秦屬泗水郡漢屬沛

州邠唐置宿州今縣五符離漸臨渙虹縣靈壁續通

考云宋升保靜軍金置防禦使隸山東時宋將黃觀

西道後升節度領縣四無虹縣稍異

察據蔡州楊思據潁昌志寧使完顏王祥復取蔡州

黃觀察遁去完顏襄拔潁州獲楊思

士二千渡潁水敗敵兵五千復潁州擒楊思次濠州

宋將郭太尉退保橫澗襄攻之伏弩射中其膝督

攻愈急拔之獲郭太尉趨滁州將至清流關敵欲三

道來襲志甯命襄率騎分二道攻克其關稱為天下

英傑所移牒宋密院張浚依皇統舊式浚復書至麾

載較詳

下議之宋李世輔用降將瓜里扎巴

攷異大金國志作蕭鵬巴耶律

迺里契丹餘黨皆驍將也正月自海道奔宋潘永因
宋稗類鈔云曾覲字純甫偶歸正官蕭鸛巴來謁既
退復一客至其素所狎也因問曰蕭鸛巴可對何人
客曰可對曾鸛甫曾以爲慢已與之絕陸游老學菴
筆記云鸛巴北人謂謀攻靈壁虹縣進陷宿州歸德
之札八所載各異

尹珠嘉蘇色防禦使烏凌阿薩喇原作烏林答刺撒萬戶溫

特赫蘇赫費摩羅索不受約束輕兵出戰故敗城遂

陷瓜爾佳呼喇沒於陣本傳上京人初爲行軍明安

兵於宣化鎮從侵宋領萬戶由泗州進戰沒贈鎮國

上將軍攻異績綱目云顯忠自濠梁渡至陡溝擊敗

蕭琦兵復靈壁歸附日衆宏淵圍虹縣久不下顯忠

遣降卒開諭禍福富察都木達周仁皆降宏淵恥功

非已出顯忠又斬其卒由是不協蕭琦亦降於顯忠

薛應旂通鑑云顯忠兵傳宿州城大敗金兵巷戰斬

數千擒八千中原震動詔授招討使宏淵副志甯復

之南宋書云時統制王拱戰死所載較詳

取之世輔旣得志日置酒高會志甯率萬騎自睢陽趨宿州令從軍盡執旗幟駐州西爲疑兵三明安兵駐州南自以中軍駐州東南扼歸路世輔果謂中軍在州西而東南兵少以步騎數萬先擊之使別將率兵三千出自東門欲自陣後攻志甯軍萬戶芬徹擊敗之右翼瓜爾佳清臣爲前行短兵接戰世輔軍亂追殺至城下是夕世輔將按誅敗將統制常奇懼來奔盡得城中虛實明日出戰志甯率清臣力戰大敗之殺騎士萬五千步卒三萬世輔夜遁清臣追及復斬首數千級獲甲仗甚衆遂復宿州河南副統富珠

哩定方死於陣時天大暑定方督戰馳突敵陣中出

入數四因渴甚下馬取水被害

攷異宋史紀事本末云時顯忠擊敗志甯

軍亭撤復自汴率步騎十萬來攻晨薄宿州城顯忠

邀宏淵夾擊不從獨以所部力戰敵大至用克敵弓

射卻之宏淵曰當此盛夏搖扇清涼且不堪况烈日

披甲苦戰乎人心遂搖至夜統制周宏邵世雄劉旻

引兵遁左師淵李彥孚縱之顯忠移軍入城統制張

訓通等亦遁金攻城顯忠力戰斬二千級因宏淵走

遂引還次符離師大潰喪失資械殆盡至揚州上疏

自劾安置潭州尋復太尉奉祠浚罷爲江淮宣撫使

思退等復召用矣李心傳朝野雜記云顯忠晚年再

典騎軍病廢詔常俸外歲給上供米三千斛時趙樽

最廉及罷加錫資助其歸宋史孝宗紀張浚上書請

議和帝不許洪稚存據行狀疑爲誤周密齊東野語

云浚退至維揚解所佩魚假張蘊古爲朝議大夫使

金求和僚吏止之乃乞遣使議和帝怒曰方戰而求

和是何舉措雜記亦云則實有是請矣野語又云浚

初出師德壽知之謂壽皇曰毋信浚虛名將來必誤

大計他專把國家名器財物做人情及敗孝宗下詔
罪己有云明不足見萬里之情智不足以及擇三軍
之帥號令既乖進退失律又云素服而哭穀函之師
敢廢穆公之誓嘗膽而雪會稽之恥當懷勾踐之圖
趙翼劄記云宿州之敗因破宿州時顯忠欲私其金
帛不以犒軍忤宏淵致師潰見胡銓傳今顯忠傳乃
謂宏淵欲發倉庫犒軍顯忠不可只以見錢充賞士
不悅致潰似顯忠之慎重倉庫並無私意然論罪時
顯忠之謫獨重則激變非無因也續綱目乙卯復以
潭州作筠州畢沅續通鑑李撒作貝薩異

完顏思敬爲右副元帥

卿言復命浚都督江淮軍馬

劉賓招撫淮東金志甯復以書議和張闡力陳六害
不可許帝遣虛仲賢報聘戒勿許四郡思退命許之

浚奏仲賢不可委弗聽十一月仲賢還以罪竄郴州
復遣胡昉往召浚還集議和金得失浚及虞允文胡

銓蜀安中疏爭不從罷康伯相以思退代浚以平章
仍督師宋史胡昉外尚有楊由義周密齊東野語云

時詔浚視師浚復謀大舉帝不從召浚還罷相廢都
督府及和議將成浚堅持以爲未可思退乃白上以

張蘊古求和事議
遂細史均未載

四年春正月甲辰元帥府言宋審議官胡昉致書議

和以其言失信拘軍中帝覽之曰宋人失信行人何

罪當卽遣還邊事令元帥府從宜措畫攷異薛應旂通鑑云帝聞

昉被執謂浚曰和議不成天也自此事當歸一矣詔

王之望以幣還金尋遣昉歸初思退恐和議不成奏

乞稟請上皇帝批曰金無禮如此卿尙欲議和今日

敵勢非檜時比卿議論檜不若思退大駭陰謀去浚

令之望奏守泗非計帝惑之會錢端禮亦言宜以符

離之潰爲戒遂詔浚行視江淮金撤兵退伊喇子敬

傳忠義南侵宋請和而書式疆界未定帝曰宋主求

成反覆無信喜爲夸大子敬對曰宋書言海陵敗於

采石大軍北歸按兵不襲俾全節還海陵未嘗夏六

敗於采石其譎詐多此類與諸書異紀均未載夏六

月壬戌尙書左丞赫舍哩良弼至自征南元帥府庚

辰詔諭元帥府曰所請南征軍萬五千今以騎三千

步四千赴之詔陝西帥府議入蜀利害以聞及異薛應旂通

鑑云四月思退諷右正言尹穡論浚跋扈且費國不

貲奏令張深守泗不受趙廓之代為拒命復論參政

馮方罷之浚乞解督府詔錢端禮王之望宣諭兩淮

罷浚判福州陳良翰周操諫不聽首坐罷思退亟欲

和議成命撤兩淮邊備決棄地求和之計浚疏諫行

至餘干得疾卒贈太師諡忠獻良翰字良彥臨海人

周密齊東野語云時金志寧遺書議和有曰出師詭

道襲我靈壁虹縣以十餘萬眾竊取二小邑主將氣

盈率眾直抵符離帥府以應兵進討憑仗天威以全

制勝所殺過當餘眾潰去計其得喪孰少孰多若謂

以少致敗則請空國之眾以迎我師云宋史趙鼎

傳時議回臨安鼎奏恐回蹕後中外謂朝廷無恢復

志上曰張浚措置三年竭民力耗國用何嘗得尺寸

地此論不足恤也劉氏日記云浚自任恢復朝廷莫

敢違及辟查籥馮方為屬尤輕銳周益公時為中書

舍人唐文若來別益公執手戒勿輕舉浚知極憾然

金史已詳本末

卷三十一

九

卒敗事何氏備史云符離之敗兵財掃地盡反謂殺
傷相行賞轉官無虛日實錄時政無一字及之公
未安在哉澗上閒談云近修四朝史如浚傳所書嘉
鄧環語亦是潘遠紀聞岳武穆秦州叛卒事至云符
意乃不審其是非登之信史可乎羅大經鶴林玉露
云尹穡字少稷博學工文與陸游同賜出身穡言行
有法又通世務時論歸重嗣附思退力排浚除諫議
公論始薄之後貶嶺南累年蒙恩北歸見周益公自
悔名望掃地悵然久之秋八月甲寅朔詔元帥府曰
益公每舉為士夫戒

前所請收復舊疆乞候秋涼進發今已秋涼復俟何

時攷異宋史紀事本末云八月胡銓疏諫和畧曰成

稱臣稱臣不巳必至請降請降不巳臣恐再拜不巳必至

不巳必至衙壁衙壁不巳必至與觀與觀不巳必至
如晉帝青衣行酒然後為快今日朝士皆婦人也
聽王午遣宗正少卿魏杞如金議和帝諭曰今遣使

一正名二退師三減歲幣四不發歸附人杞條陳十
七事陸辭奏曰臣奉旨出疆豈敢不勉萬一無厭願
速加兵帝善之錢端禮奏遣王朴持周葵書致金二
帥時思退亟欲和尹穡乞置獄取不肯撤備及棄地
者二十餘人論罪及命思退視師辭乃命楊存中爲
同都督杞字南夫壽春人端禮字處和臨安人葵字
立義宜冬十一月乙酉河南都統圖克坦克甯敗宋
興人
魏勝兵於十八里莊取楚州方輿紀要云卽淮安府
縣九州二攷異與地廣
記云秦屬九江郡漢屬臨淮郡東漢屬廣陵郡晉置
正陽郡魏曰淮陰郡隋立楚州今縣四山陽寶應鹽
城惟陰續通考云宋爲淮安府領山陽鹽城桃源清
河四縣李心傳朝野雜記云十一月詔畧曰朕以太
上聖意不敢重違而宰輔羣臣前後屢請以盡依初
式再易國書歲幣成數亦如議若彼堅欲商秦之地
俘降之人則朕有以國斃不能從也克甯傳時魏勝
取甯舟鑿底貫大木植水中別以船載巨石貫鐵鎖
沈水底以塞十八里口克甯使錫默和尚選善泗者
以大筏植木拔出之徹去沈船進至淮口大敗宋兵

射殺勝取楚州及淮陰縣是役也薩喇功居多時和
議尙遷延至是宋大懼乃如約宋史紀事本末云時
思退陰遣孫造說金以重兵脅和忠義遠渡淮魏杞
行至盱眙忠義使趙房長來求觀國書杞不可馳白
忠義疑國書不如式又求割商秦地及歸正人歲幣
二十萬帝命書盡依初式許割四州忠義猶未厭與志
甯分兵犯楚州劉寶遁魏勝拒戰中矢墜馬死城陷
金入濠州王彥棄昭關走朝議欲棄淮保江楊存
中持不可乃已大學生張觀等劾思退與尹樞王之
望姦邪誤國鈞致敵死復相陳康伯之望免丙子王
永州行至信州憂悸死復相陳康伯之望免丙子王
仲見二帥得報書歸復持康伯書往周密齊東野語
云孝宗開勝死追惜之以論近臣曰李廣在文帝時故
使魏勝不因邊釁何以見其才如李廣在文帝時故
不用使生高帝時必立大功矣後放翁贈劉改之詩
日李廣不生楚漢間封侯萬戶官其難蓋用阜陵語
也所載較詳

五年春正月己未宋通問使魏杞等以國書來書不

稱大稱宋皇帝稱名再拜奉書於叔大金皇帝

二十萬辛未詔中外好齊盟出於初議中國書畧曰備

爲矛盾之言致此數年未講睦隣之會茲聆嘉報不

替舊歡仰備社之大忠謹睦隣之誼已遵要束無

復異圖二帥令與其介康誼同詣燕山國兵亦罷時

四年十一月也續通考云宋歲幣天會時銀二十萬

兩帛三十萬匹每年代稅錢壹百萬緡皇統時銀二

十萬兩絹三十萬匹大定時銀絹各三十萬兩宋移書

時宋許犒軍錢三十萬貫邀其銀三百萬兩宋移書

乞減乃如舊陸游老學菴筆記云魏道弼參政使金

軍抗辭不撓金酋大怒欲於馬前斬之揮劍垂及頸

而止故道弼頭微偏續綱目云乾道元年三月杞還

言金初金館伴張恭愈以國書稱大宋脅杞去大字

不可且言天子神聖才傑奮起人人有敵愾意北朝

用兵能保必勝乎金君臣環聽拱策卒正敵國禮而

還帝慰藉甚厚交聘表杞官禮部尙書康誼作康潛

官崇信軍承宣使史未載有杞去大字事張景仁傳

字壽南遠西人官翰林待制忠義侵宋景仁掌其文

金史紀事本末

卷三十一

十一

辭宋議和已改表為書稱臣為姪但不肯世稱姪國
往復凡七書乃定皆景仁為之世宗稱其能謂指事
達意非而裁真能文士歷承旨兼御史大夫同修國
史嘗劾烏庫哩元忠有直聲全時富珠哩阿婁罕隆
州人從忠義侵宋屢入奏得厚賜累官參政北京留守
又使宋結和議定入奏得厚賜累官參政北京留守
紀均癸酉命元帥府諸新舊軍以六萬人留戍餘並
未載放還以宋歲幣悉賞諸軍二月壬午以左副都點檢
完顏仲等為宋報問使為翰林直學士楊伯通至是
始謂江南為宋皇帝仲傳初為報問使奏請與宋主
相見儀世宗曰宋主起立接書則授之及至宋如禮
交聘表伯通作伯雄官詹事潘永因宋稗類鈔云紹
興講和後金使經由官私牌額悉以紙蒙覆之隆興
間金使往天竺山燒香過太學門臨安尹命吏持紙
幕太學二字程宏圖堅持不令登梯事聞阜陵嘉歎
遂免至今循之宏圖後登第上
記其姓名擢大理司直遷丞卒

夏四月丁未都元

帥忠義還自軍擢左丞相召志寧入見拜平章政事

還軍秋八月己卯前宿州防禦使烏凌阿薩喇

攻異畢沅

續通鑑作喇薩云舊作刺薩以與宋李世輔交通伏誅九月遣吏

部尙書高衍等賀宋生日

攻異交聘表副使伊喇道紀未載

冬十一

月戊午遣右副都點檢烏庫哩尼瑪哈

原作烏古論粘沒喝攻異

宋史作賀宋正旦

攻異交聘表爲副者禮部侍郎劉仲淵又三月宋遣禮部尙書洪适

崇信軍承宣使龍大淵賀萬春節八月復遣吏部尙書李若川

國承宣使曾覿賀尊號紀均未載盤洲集

使北回至涿鹿詩云回首燕然日再西一杯相

屬使輶歸殘花媚野不妨好倦鳥投林自在飛可惜

光陰鎔客枕不嫌塵土染征衣大明退直清和日已

約梯雲訪翠微李心傳朝野雜記云自渡江後北使

往來皆稱其國御名廟諱而本朝止傳御名紹興初

重明節黃文叔接伴遣掌儀田愿等持廟諱御名三

已巳年本天

紙往北使副曰前無此例往返久之北使乃曰所言
極是當理為來時未奉朝廷指揮望相諒文叔乃已
及歸奏乞請更正又北使與館伴往來文牒皆以花
字代書名隆興再和未之有改乾道二年冬陳應求
初執政北使賀正者至應求力持押宴使改私覲狀不書
名却之掌儀懼生事應求為陳公屈遂為例舊例宰
里甚悉而易狀書名曰特為陳公屈遂為例舊例宰
執親為北使除館以三衙衛士給役乾道初虞相始
革之歲使北使金銀器血文思院造成工部及宰相
相繼閱驗然後進呈淳熙末因李侍郎昌圖止令赴
都堂驗視又云張詔使北一日持所繪祐獻二陵像
至館皆北地服詔嘗識列聖御容即再拜首問之答
曰詔雖不識其人但見龍鳳之姿天日之表疑
北朝祖宗也敢不下拜首無語孝宗喜遂驟用
六年春正月丙午朔宋遣使來賀正使為戶部尚書
察使三月壬寅宋遣使賀萬春節正使為吏部尚書
王忱察使魏仲昌秋九月丁未遣戶部尚書魏子平賀宋主

日副使爲左衛將軍瓜爾佳扎拉冬十一月癸丑遣右副都點檢烏

庫哩元忠賀宋正旦副使爲少府張仲愈攷異李心傳朝野雜記云乾道二年蔣子

禮執政以張俊明州城下吳玠和尚原殺金坪韓世

忠大儀鎮劉鈞順昌府員琦皂角林邵宏淵胥浦橋

李寶唐島虞允文采石磯趙樽蔡州吳拱英湖王宣

確山張子蓋海州爲十三處戰功而藕塘不與係破

僞齊然陳思恭大湖之戰幾獲兀朮鈞與沂中柘臯

之戰破敵十萬均不載何也畢沅續通鑑云六年八

月宋詔將諸軍戰功顯著十三處立定格目玉海本

會要亦載之又見李壁中興戰功錄然王應麟謂沂

中藕塘之戰因破僞齊不與其列岳

飛鄭城之戰亦未載固多不審矣

七年春正月庚子朔宋遣使來賀正使爲工部尙書薛良朋副使昭慶

承宣使三月己亥朔宋遣使賀萬春節正使爲翰林學上梁克家

張說副使安慶承宣使趙應熊秋九月己巳遣勸農使富察索囉原作

宣使趙應熊

沙魯賀宋生日副使為東上冬十二月辛未遣河間

尹圖克坦克寧賀宋正旦攷異交聘表未載今從世宗紀周密齊東野語云乾

道丁亥冬至郊祀有風雷之變宰相葉顥魏杞策免

先是會慶節北使在庭時受誓戒矣議者欲權免上

壽就館錫宴未果宴集英如常天變豈偶然哉洪邁

當制有曰理陰陽而遂萬物所嗟論道之非因災異

而策三公實負在天之愧蓋有所諷也

八年春正月甲子朔宋遣使來賀正使為戶部尚書唐瑑副使保寧承

宣使三月癸亥朔宋使賀萬春節正使為試工部尚書王溜副使未載

秋九月癸亥遣右宣徽使伊喇錫勒塔干原作神獨幹

賀宋生日副使為太府監高彥任冬十一月乙丑遣同簽大宗

正事博和托原作闕合土賀宋正旦副使為右司郎中李昌圖

九年春正月戊午朔宋遣使來賀正使爲工部尚書

察使三月丁巳朔宋使賀萬春節正使爲翰林學士

承宣使宋直溫秋九月甲寅朔遣刑部尚書高德基賀宋

生日冬十一月辛酉遣京兆尹宗室毅賀宋正旦副使

爲左司郎中牛德昌

十年春正月壬子朔宋遣使來賀正使爲試吏部尚

國承宣三月壬子朔宋使賀萬春節交聘表正使爲

使曾觀三月壬子朔宋使賀萬春節試工部尚書司

馬伋副使泉州觀察使馬定遠閏五月丁酉尚書省

奏宋祈請使赴闕日期詔以九月十一日朝見九月

丙戌宋資政殿大學士范成大崇信節度使康潛至

范成大爲祈請使求陵寢地及更受書儀蓋泛使也

金史紀事本末

卷三十一

四

楊受書交內侍康伯當國令伴使取書進思退又循
檜故事帝悔欲更之乃令成大往密草奏具言受書
儀并陵寢懷之入初進國書辭氣慷慨金君臣方傾
聽忽指笏出疏主駭曰此豈獻書處耶俄歸館金廷
紛紜大子允恭欲殺成大或勸止之二事皆無成大
金國志復書畧云和約再成界山河而如舊緘音遽
至指聲浴以爲言援昔時無用之文瀆今日旣盟之
好旣云廢祀欲伸追遠之忱止可奉遷卽俟刻期之
報至若未歸之旅櫬亦當並發於行途抑聞附請之
詞欲廢受書之禮出於率易要以必從於尊卑之分
何如願信誓之誠安在事當審處邦可孚休成大字
致能哭郡人愿官參政韓浣澗泉日記云紹興戊辰
太常少卿方庭碩如金展陵寢先是諸陵皆遭發掘
哲宗至暴骨庭碩解衣裹之惟昭陵如故歸奏上泣
悲動左右時相大怒劾其奉使無狀除廣東提刑到
官瘁死出疆者莫敢言陵寢事矣隆興改元胡銓召
對首及庭碩語帝悟亟議遣使問陵寢之故未果後
遂有成大之事岳珂程史時金遣吏部郎中田彥皋
侍御史元顏溫來迓范知金法嚴附請決難達不泄
語二吏不復疑至燕乃密草奏具言受書事始嘗研

元顏仲李若川等口陳久未得報臣有奏劄在此指
笏出之嗣乃宣詔令納館伴處太子欲戮之越王不
可頃引見如常儀歸館伴果宣旨取奏去廷議方殷
會西夏任得敬謀纂蜀宣司嘗以蠟書通問爲夏獲
送金主益怒范朝辭詰之范言姦僞不可測嗣見真
書又曰御寶可爲況印文乎主直其詞事得不竟羅
大經鶴林玉露云致能北口奏河南爲宋陵寢地
乞與宰相議未允主意不回乃自爲書納袖中跪進
既退金廷議羈留主不可及回奏曰口奏之事乞於
國書中明報仍先宣示庶使臣不墮欺罔之罪許之
既還上嘉其不辱命因至大用初在燕京寓會同館
吏微言有羈留議乃賦詩曰萬里孤臣致命秋此身
何止一浮漚提攜漢節同生死休問燕羊城外館致
同館燕山客館也遼已有之燕賓館燕山城外館致
能又有詩曰九日朝天種落歡也將佳節勸盤餐苦
寒不似東籬下雪滿西山把菊看見石湖集周輝北
較錄云入宣陽門由馳道西南入會同館李心傳朝
野雜記云使至燕寓來遠驛泛使則居遠驛焉思陵
錄云清熙十五年二月遺留禮儀使顏師魯高
震至燕京燕賓館宴畢入來寧館蓋泛使館也
秋

九月壬子遣簽書樞密事伊喇子敬賀宋生日

副使為宮

籍監張

冬十一月丁亥遣詹事富察富色克賀宋正

旦副使為同知宣徽院韓洞致異薛應旂通鑑云十

一月遣雄等如金賀生辰別函書請陵寢更受書禮

主不許辭歸主曰汝國何舍欽宗靈柩而請鞏洛山

陵如不欲欽宗之柩我當為汝國葬之畢沉續通鑑

云時雄還謂金主為庸人中原日望王師帝甚悅李

心傳朝野雜記云乾道六年十月金使伊喇子敬

來趙雄為館伴探問敵情甚多奏聞帝甚善之

十一年春正月丙子朔宋遣使來賀正使為試工部

使利州觀察使辛堅之三月乙亥朔宋使賀萬春節正使為翰林學士趙

雄副使泉州觀辛巳以天水郡公旅櫬依一品禮葬

於鞏洛之原致異聖政草載在歲末宋史繫之三月

會要載金人宣諭甚詳不具書宋史孝

宗紀又作五
月所載各判

秋八月己巳遣刑部侍郎烏凌阿天

錫賀宋生日

副使爲中丞李文尉

冬十一月丁丑遣西南招討

使宗寧等賀宋正旦

交聘表正使作宗室崇寧副使戶部侍郎程輝所載各異

十二年春正月庚午朔宋遣使來賀

正使爲試工部尚書莫濛副使

利州觀察使孫顯祖

三月己巳朔宋使賀萬春節

正使爲龍圖閣翟絳副使

宜州觀察使祖士榮

夏四月宋試吏部尚書姚憲安德承宣使

曾觀來賀上尊號

秋九月辛巳遣右副點檢瓜爾

佳清臣賀宋生日

副使爲左司郎中張汝弼

冬十一月丙子遣戶

部尚書曹望之賀宋正旦

副使爲右司郎中赫舍哩哲

十三年春正月乙丑朔宋遣使來賀

正使爲試吏部尚書馮樽副使

泉州觀察使龍雲

三月癸巳朔宋使賀萬春節

正使為試禮部尚書韓元

吉副使鄭興裔

秋八月丙戌遣左副都點檢宗室

襄賀宋生日

副使為國子司業張汝霖

冬十一月遣大興尹璋賀

宋正旦

副使為客省使高翊

十四年春正月己丑朔宋遣使來賀

正使為翰林學士留正副使利

州觀察使張巖癸巳宋使朝辭尚書省奏宋來書語

涉平易遺諭宋使大興尹璋至宋宋人奪其國書璋

仍赴宴受私物除名杖百

二月丙寅以刑部尚書梁

肅為宋詳問使

副使為趙王府長史富察額哩埒肅

以謝書附奏見交聘表肅傳載國書畧曰盟書所載

祇於帝加皇字免奉表稱名稱臣再拜并賦歲幣便

用舊儀親接國書茲禮一定於今年今知歲元國

信使到彼不依禮例引見輒令追取於館姪國禮體

是耶往問其詳宜以誠報肅至宋宋一一如約
通開書謝畧曰惟十年遵盟之久無一毫成約之
儀餽餉迫於輿情管屢伸於誠請因歲元之來使遂
商權以從權敢勞將命之還先佈鄙悰之懇自餘專
使肅控請祈肅至泗州先遣都管圖們富尼瑪入奏
上大喜超拜濟三月戊子朔宋使賀萬春節正使爲
南尹所載較詳保

信京宣使劉炎秋九月乙未遣兵部尙書完顏
訥賀宋生日副使爲祕書少監賈少仲己酉宋試工
求免起立接書詔不冬十一月丙申遣御史中丞劉
許見交聘表紀未載

仲誨賀宋正旦副使爲左衛將軍赫舍哩額頁

十五年春正月宋遣使來賀正使爲試戶部尙書蔡

益紀失載今秋九月己未遣歸德尹完顏王祥賀宋

從交聘表金史紀事本末卷三十一 七

生日

副使爲客省使盧璣

冬十一月戊午遣右宣徽使宗室靖

賀宋正旦

副使爲拱衛都指揮高運國

十六年春正月戊申朔宋遣使來賀

正使爲試戶部尙書謝廓然副

使泉州觀察使黃夷行

三月丙午朔宋使賀萬春節

正使爲試工部尙書

張宗元副使利州觀察使謝純孝王子宋翰林學士

湯邦彥昭信承宣使陳雷奉書申請及朝辭帝答以

書見交聘表攷異大金國志云是年八月宋湯邦彥

來申議請陵寢地至燕拒不納旬餘乃入見夾道皆

控弦露刃邦彥不敢措一辭

秋九月癸丑遣殿前

而出坐流新州紀均未載

都點檢富察通賀宋生日

副使爲左司郎中張亨

冬十一月戊

午遣同知宣徽院劉琬賀宋正旦

副使爲近侍局使烏凌阿愿攷異玉

海云潛熙三年權禮部侍郎李燾進四繫錄記女真契丹起滅自紹聖至宣和靖康凡二十卷上曰朕可

一日忘此虜哉按淳熙三年即大定十六年先是乾道七年太常簿趙粹中進恢復機密十論及制狄權

十七年春正月壬寅朔宋遣使來賀正使為試吏部尚書閻蒼舒副

使江州觀察使李可久三月辛丑朔宋使賀萬春節正使為試戶部尚書

張子正副使明州觀察使趙士葆秋九月辛丑遣右副都點檢完

顏實訥埒原作習泥烈賀宋生日副使為儀鸞使曹士元冬十一月

丙辰遣延安尹完顏富拉塔原作蒲刺覩賀宋正旦副使為翰林學士

子時

十八年春正月丙申朔宋遣使來賀正使為翰林學士錢良臣副使

嚴州觀察使延望三月乙未朔宋使賀萬春節正使為試禮部尚書趙思

金史紀事本末卷三十一 大

副使宜州觀 秋九月辛未遣大理卿張九思賀宋

生日副使為左衛將軍宗室崇肅將 冬十一月壬申遣靜難節度使

烏雅扎拉原作烏延查刺賀宋正旦副使為太府監王汝楫

十九年春正月庚申朔宋遣使來賀正使為戶部侍郎宇文价副使

江州觀察使趙鼎三月己未朔宋使賀萬春節正使為龍圖閣學士錢沖

之副使潭州觀察使劉咨秋九月戊午遣左宣徽使富察鼐賀

宋生日副使為刑部郎中高德裕冬十一月壬戌遣御史中丞伊

喇慥賀宋正旦副使為東上閤門使左光慶

二十年春正月庚申朔宋遣使來賀正使為試禮部尚書陳規副使

宜州觀察使孔異三月癸丑朔宋使賀萬春節正使為試工部尚書傅淇

副使使婺州觀秋九月壬戌遣太府監李侑賀宋生

日副使使王公弼
副使為左司郎中完顏烏哩雅
冬十一月乙丑遣真定尹圖克坦

守素賀宋正旦副使為左諫議大夫楊仁

二十一年春正月戊申朔宋遣使來賀正使為龍圖閣學士葉宏

副使使福州觀察使張詔
三月丁未朔宋使賀萬春節正使為試戶部尚書

蓋經副使閩州親察使裴良能
秋八月乙丑遣右副點檢宗室和

索哩原作胡什資
賀宋生日副使為左司郎中鄧儼按是年冬正旦使紀及交聘表均

載未

二十二年春三月辛未朔宋使賀萬春節致異宋賀生日紀及

交聘表未書使臣姓名
秋九月戊寅遣左衛將軍宗室徹辰

原作禪赤賀宋生日副使爲翰林直學士呂忠翰冬十一月丙子遣東

部尙書富察珠哩罕賀宋正旦副使爲都水監宋中

二十三年春正月丁卯朔宋遣使來賀正使爲試吏部尙書王蘭

副使明州觀三月丙寅朔宋使賀萬春節正使爲試工部尙書

察使劉攽賈選副使武奉承宣使鄭興裔秋九月己巳遣同簽大宗正宗室

方賀宋生日冬閏十一月甲午遣西京留守博勒和

賀宋正旦副使爲尙食局使李懣

二十四年春正月辛卯朔宋遣使來賀正使爲顯謨閣學士余端

禮副使宜州觀三月庚寅朔宋使賀萬春節正使爲試吏部

察使王德顯尙書陳居仁副使秋八月癸亥遣太府監張大節

隨州觀察使賀錫

賀宗生日

副使為左司郎中完顏博勒和

冬十一月甲午詔上京地

遠天寒行人跋涉艱苦來歲宋國正旦生辰勿遣使

二十五年冬十一月甲午遣臨潢尹布薩守中賀宋

正旦

副使為中丞馬惠迪十二月宋遣試禮部尚書王信明州觀察使吳瑗賀萬春節見交聘表紀

均未載

二十六年春三月己卯朔宋使賀萬春節

正使為試戶部尚書

章森容州觀察使吳曦

秋八月辛卯遣益都尹崇浩賀宋生

日

副使為諫議大夫黃久約

冬十一月辛亥遣刑部尚書伊喇子

元賀宋正旦

副使為左司郎中馬琪

二十七年春正月癸卯朔宋遣使來賀

正使為試刑部尚書李燦

副使漳州觀三月癸卯朔宋使賀萬春節正使爲試

張淑春副使鄂州兵部尙書秋九月己酉遣河中尹田彥皐

賀宋生日副使爲近侍冬十月乙亥宋高宗崩十一

月庚戌遣左副都點檢崇安賀宋正旦副使爲御史

十二月壬午宋遣使告哀正使爲敷文閣學士韋

特立攷異李心傳朝野雜記云壽皇居高廟喪未改

月值會慶節金使至從沈清臣正卿議命却其書幣

就館津發北使感嘆而去繼賀正使踵至從尤延之

等議就殿東楹設素幄引見使人百官並免私見其

禮物勿入殿付有司明年會慶節依正旦例於垂拱

殿東楹設淡黃引見仍用紹興三十年故事移宴於

館不用樂節前一日本諭使人免賀止就東閣門拜表

起居又故事北使來朝例錫花宴如在太祀齋禁中

則不用樂乾道三年值親郊散齋內用蔣子禮說詔

垂拱上壽止樂正殿爲北使散齋六年始從趙溫叔

言去樂論

二十八年春正月丁酉朔宋遣使來賀

正使為試工部尚書萬鍾

副使宣州觀察使趙不違

癸卯遣左宣徽使富察克忠如宋弔

祭副使為戶部尚書劉瑋

二月己丑宋遣使獻遺留物

正使為試

戶部尚書顏師魯副使福州觀察使高麗

三月宋使賀萬春節

正使為試戶部尚書

胡晉臣副使鄂州觀察使鄭康孫

夏五月戊申宋使來謝弔祭

交聘

表作甲辰正使為試禮部尚書京鏜副使杏州觀察使劉端仁潘永因宋稗類鈔云鏜使金報謝康元弼

館伴錫宴汴亭力請撤樂既還孝宗嘉其能守禮稱

為今毛滂除權侍郎至大用陸游老學菴筆記云集

英殿宴金使九盞第一肉鹹豉第二爆肉雙下角子

第三蓮花肉油餅骨頭第四白肉胡餅第五羣仙肉

太平畢羅第六假圓魚第七奈花索粉第八假沙魚

第九水餅鹹豉旋餅瓜薑看食束錮子髓餅白胡餅

餅

秋九月甲午朔遣安武節度使王克溫賀宋生

日

攷異交聘表甲午作丙申安武作武安副使爲近侍局使呼沙呼

冬十一月甲辰

遣河中尹田彥臯賀宋正旦

副使爲吏部侍郎伊喇仲方

二十九年春正月壬辰朔帝大漸不能視朝宋正旦

使遣還

正使爲顯謨閣學士鄭僑副使廣州觀察使張時修

癸巳帝崩章宗嗣

甲辰遣大理卿王元德等報哀於宋二月宋孝宗內

禪光宗立夏四月辛未宋使來弔祭

正副使爲葛廷瑞趙不慢五

月壬寅宋使告嗣位

正副使爲羅點譙熙載

戊午遣東北招

討使溫特赫蘇赫

原作溫迪罕速可

使宋賀卽位

攷異陸游老學菴筆

記云使北舊惟使副得乘車三節人皆乘馬馬惡則蹄囓不可羈鈍則不能行良以爲苦溫熙己酉完顏

璚嗣偽位始命三節人皆給車供張飲食比前加厚
時金賀登寶位使自云悟室孫喜讀書館件鄧千里
與游西湖至林和靖祠堂忽問曰
林公嘗守臨安耶千里笑而已
閏月庚辰宋使

來賀登位

正副使爲沈揆韓侂胄

六月乙卯敕有司移報宋

天壽節

攷異陸游老學菴筆記云謝子肅使金回云金廷羣臣自徒單相以下皆白首老人徒單

年逾九十矣戎人姓多三兩字有姓斜卯者己酉春金移文境上曰皇帝生日一本是七月今爲南朝使人冒暑不便已權改作九月一日其內鄉之意亦可嘉也

秋七月辛巳遣刑部尙

書完顏守貞等賀宋生辰

八月丙辰宋使賀天壽

節

正使爲禮部尙書謝深甫副使觀察使趙昂

冬十一月辛酉遣右宣

徽使賈摩餘慶等賀宋正旦

金史紀事本末卷三十一